



民國廿五年孟冬

雁門家乘

余敦睦堂敬修

雁門家乘

陸睦堂

199516526

歷朝定譜總圖

東晉太元二年丁丑上諸氏譜知譜事賈希亮

宋元徽二年甲寅上諸族氏譜知譜事太保王弘

齊永明六年戊辰尙書知譜事傅昭

太尉文獻公知譜事王儉

梁天監七年御史大夫知譜事王僧儒

兵部侍郎知譜事賈執

陳永定七年鐘陵侯知譜事陳法郎

隋大業元年大學博士知譜事孫德言



廣東中山縣石岐興寧里偉倫氏印書館代印



余氏雁門家範

卷一 定譜總圖

一

文彙堂

余氏雁門家範

文彙堂

唐太宗貞觀六年壬辰中書令知譜事溫彥博

吏部尚書知譜事高士廉

御史大夫知譜事岑文本

左司郎中知譜事李公演

中書令知譜事徐令言

御史大夫知譜事韋挺

同奉勅命重定姓氏舊譜開續後裔并狀申上入臺藏於秘閣令當處每名家枝葉各留淨本一道以示後來并晋朝崔琳顯等一百二十七姓郡望全編為一卷永傳不朽



明譜十條

序得姓之根源

記代數之遠近

明源胄之所封

顯爵位之尊卑

標墳墓之所在

辨妻娶之姻族

述子女之出處

彰忠孝之仕進

揚道德之遁逸

表節義於鄉閭



record-image_ (3)



馬岡重修余氏譜序

余氏譜成光裕喟然嘆曰我觀三代舍周何適矣周禮小史掌邦國之誌奠世系辨昭穆是故溥仁以存親恩愛洽矣軌義以辨分上下章矣是以邇而不携遠而始夾於周禮得太宰詔王之八統焉太宰賑膳之禮焉於詩得伐木之章行葦之仁焉乃若宰喧歸賄季子來聘其周之衰乎君子微猷小人與屬其在下也族屬相聯有宴饗會聚之節有周恤慶唁之交人人各親其親各長其長天下平矣王章下降封建廢而宗法亡而譜作所以存宗法以教仁孝於天下也唐之衰也譜牒廢矣由賤而貴恥言其先由貧而富不錄其祖正倫求

余氏譜序

嘉慶堂

金氏門家錄 卷一
齒於城而克用冒姓於李崇韜哭墓於汾陽淳安詳諱於歷世君子
恥之夫忘而弗識者陋也附而強麗者二本也何者譜不明則宗法
壞宗法壞則倫理紊而愛敬衰慕榮華崇世利畧貧賤忘禮教有口
饜膏腴躬披錦服入有彈棋儷翰之侶出有飛纓聳蓋之屬然於族
人則休戚不相關矣及燕開寶筵高懷兩集鳴笳拏挾嬌艷遇峩冠
貴人垂首折腰伺候顏色至見族之長者則輒自矜傲又見其甚也
兄弟荷戈而相擊族屬鬪墻而構訟婦姑反唇而相稽父子殘賊而
相夷夫婦反目而相視甚至奴僕之賤輕凌族黨亦有矣嗟乎始於
一人之身而至於若途人途人而至於若寇讐矧望其有吉凶之問慶


吊之禮乎斯固州里之大盜孝子慈孫羞以爲祖矣故曰人而不知
本謂之悖不睦族謂之戾戾與悖惡名也是以正名分興禮義莫大
乎譜夫世遠則習亂易生族衆則凌忽易起予爲此懼乃重修舊譜
察同異收渙散著總論作譜圖世系本支引貫不紊生卒年月嗣續
瑩瓏詳著於篇及墓銘表誌與夫慶賀之文亦載於後所以維持族
屬而聯人心使後世有所考而不至於忘也噫讀是譜者愛敬之心
油然而生矣且知吾身之所自出乎知其所自出而自賊其身則得罪
宗人而辱厥祖考昔李廣功銘社稷而孫事二姓降匈奴隴西之族
人遂耻居是則可畏也已何者天下有貴人無貴族有賢人無賢族

仁人修身以事其天孝子奉天以尊其親凡我宗人無蹈李陵之愧
哉是故靜以修身儉以養德淡泊以明志寧靜以致遠必如諸葛之
訓乃能克慎厥德毋徇利怙大義毋怠惰荒厥事毋縱奢侈以干天
刑毋爲橫非以擾門庭必如鄭氏之訓乃能無忝所生毋胥欺毋胥
訟也毋搏奕鬪爭也毋學歌舞以蕩俗也毋相攘竊姦侵以賊身也
必如方氏之訓族乃能保有厥家若而人也則能興仁讓立愛敬上
上下下父子兄弟強不凌弱刁不誣良而家道正而祖益
尊祖尊而譜益傳其爲孝也大矣我聞曰被風者偃得源者永路之
導風其行速家之導源其獲深由一家推之而教化行風俗厚天地

位萬物育有周太和之景象在茲矣我先人積德之厚筋躬潔行攬
仁收義茲我族人尙思敦本系崇禮信俾邑里譁然歸重而操觚染
翰噴英擣華彬彬有人焉斯余氏之後其大以昌矣光裕不佞敢僭
言於首云

崑

皇明萬曆十五年丁亥冬十月奉政大夫荊王府左長史九世孫光
裕謹序






余氏世系考

光裕曰按古今姓氏余氏出自余氏者也蓋漢末東晉明帝時謂朝臣余諷歷官都尉兼經筵講讀奏謁見上上曰余者我也諷者譏也卿欲為朕之敵人耶命賜改余為余蓋卽余而少異之公深喻上意因自請改名為頑其後子姓分散他國仕晉宋南齊間於余為盛唐太宗敕二姓不許為婚余余與焉則余之與余皆同一裔也由余之後西晉朝有昭元為鎮海大將軍節度使敕賜雁門之地因以為郡唐季有余欽為大學博士詔講經南昌閣遂賜閣與南昌郡因改雁門為南昌歷唐而宋發身科第筮仕南北代不乏人傳至元朝仁宗

至大四年平章李孟奉舉天下老儒爲官者余能舜公直隸建康上元縣人擢爲福建莆田縣尹隨例買業次子壬卿主之籍居余埔天歷二年改陞爲廣東韶州路推官不久致政因增城朱光卿作亂移居番禺縣城西廂居焉長男貴卿隨例立籍以例授番禺沙灣土巡檢後遷馬岡蓋得舊譜之傳如此乃考行人張戟墓誌云余之先世南直人有承仕郎者肇居廣州之城西至將仕郎乃遷馬岡景泰元年黃賊作亂遂立順德則馬岡遂爲順德所屬矣廣東通誌云余望出雁門唐開元博士之後今順德馬岡有此族此余之自來如此今斷自能舜公爲一代始祖再傳而爲貴卿公三傳而爲信菴公翠峰

公伯仲二人信菴公生三男分爲三宅上宅爲南溪漁隱公中宅爲化龍公下宅爲晦叟公子孫昌衍上宅分爲四房中宅分爲五房下宅一房翠峰之後只自爲三房蓋子孫之多寡不同也若祠堂祭掃之田乃三宅祖所自設立以祀信菴公推所自出上及始祖故翠峰之後不與也枝葉蕃茂皆先德所遺自始祖至今已歷十餘代自元天曆至明慶曆間已幾三百年謹按姓氏之自出始終備書使後人有所考云





莆田重修南昌譜序

予進士時得省親歸莆會吾先輩進士通府余公之子時珍於西鎮見其族屬繁衍子姓禮讓卓有故家風一日時珍捧圖以示且囑予序予時領其事繼宦遊京師往返三十餘載而未暇續焉至甲子歲予在南都時珍有三代孫世泰者從事部院與予最密又申道其叔祖徵譜序事予甚愧遲緩也願容重請按譜余之先出自余之後至西晉時有余頑之子昭元登進士第尋為鎮海大將軍節度使征討有功敕賜雁門而余姓因以為郡號傳隋歷唐時有諱文集者為考功主事孫諱珩登紹熙進士官右司郎又有諱欽者唐主任為大學

家譜 譜序 文陸堂

record-image_(9)

博士詔講經南昌閣遂賜閣以南昌爲郡因改雁門爲南昌欽生明
明生皜皜生穆穆生昭昭生高高生琮歷唐而宋發身科第筮仕南
北代不乏人宋末琮爲汴梁開封主簿上表忤旨被囚琮生吳昊登
淳熙進士昊生知古知古生能舜迄元朝仁宗至大四年平章李孟
奏用老成能舜公由上舍擢福建莆田縣尹隨例買業次子壬卿居
焉及今詩書相傳爲莆田名族天歷初陞廣東韶州路推官長子貴
卿僑居於廣則閩廣之有佘皆自能舜公始也由一世至百世而千
萬世昭穆倫次久遠不紊後有官遊南北者執譜會宗如執左券殆
無不合矣愧予非燕許手而僭爲信今傳後之文俾爲余之子孫有

所稽云

峕在

皇明弘治十七年甲子歲賜進士出身資善大夫南

京戶部尙

書奉 詔進一品階光祿大夫翰林國史官國子祭酒兼經筵講官

仙溪鄭紀拜撰





官堂余氏前譜序

族譜奚爲而作也哉記有之曰尊祖則敬宗敬宗則睦族作譜者
尊祖敬宗睦族之道也東晉以迄齊唐歷修諸氏族譜於朝宋之
歐陽蘇司馬各修其譜於族族譜之作由來遠矣安有巨家世族
而不有其家乘者吾香邑余氏者其

始祖由碧頭而來官堂一派居焉迨傳中葉族類漸蕃文人蔚起如
先進 漢濤顯身宦蹟縱生雲友颺若安捷以至允上吉若立方
諸君子後先濟美名高士林殆所謂彼都人士者耶予以地屬鄉
鄰誼忝姻親嘗過其家得接其父老子弟見夫尊者卑者秩秩而

余氏前譜序 卷一 官堂

有別也長者幼者怡怡而有序也疎者親者藹藹而懇惻有等也非其先世宗法詳明敦宗盟而篤子姓何以得此正君氏乃謂前譜煨燼盜賊惕然思祖宗櫛沐之艱子孫守成之不易慮後之失所傳而宗支之不明也昭穆之莫辨也尊卑親疎之失序也肖子克家之謂何矣不得不搜殘篇以繼先志而述事也去歲庚午冬正君嘗過予館而言譜事亦以予曾潤色予譜耳夫正君乃吾外甥也幼壯寄讀予家甘貧苦而嗜詩書性聰敏而慮下人孝行敦篤友予鄉族至於文章之風雅特其餘技耳雖一時可食文章之執而不食非時命之有待則祖宗姑留以表彰家乘也云爾正君

曾言從伯 漢濤學博多才恨拘仕籍嫡伯顯若可譜不譜有志未逮則修譜之責其在斯乎其在斯乎辛未春瑤篇遠寄竟出其譜稿以質予且囑以序予閱其譜世系之悉詳世紀實錄之周備有大宗以統小宗小宗以承大宗某也祖有功某也宗有德且也疎財仗義者若而人尊師重士者若而人孰者以善行德業彰孰者以文章才華著其爲孝慈者幾何氏其爲勤儉者又何代之妣也一一備載瞭若觀火記之家乘無異登之國史矣昔人云三世不修譜一不孝也正君其免諸由此推之雖百世而子孫之觀斯譜者無不敦宗盟式相好無相尤可預卜矣寧猶慮宗支之不明

也昭穆之莫辨也尊卑親疎之失序也耶則今日之尊者卑者咸
秩秩而有別也長者幼者咸怡怡而有序也親者疎者咸藹藹而
懇惻有等也非過也宜也萬一

聖天子在上欲暨民風崇明宗法命太史採下里之能敦宗陸族者
而表異之舍余氏之族而誰若夫以似以續昌大而光顯之更於
余氏之後有厚望焉千金之諾勉以續尊乘之貂

峕

大清康熙歲在辛未仲春花月既望雙龍盧友善撰

余氏前譜序

木本水源之重由來尙矣孔子曰丘殷人也邇本窮源聖人惓惓於
是也豈徒偶論及之蓋將珥筆書之凡以尋墜緒之茫茫而非漫爲
旁搜而遠紹也獨是修譜之說宋始廬陵歐陽公而後世因之篤親
親也故不惟王公大人縉紳閥閱世胄釐然卽野戶窮簷編民市井
百其業者百其人百其人者百其姓亦未嘗不留心家乘中朝人物
燦然一大綱維毫無假借者恃有別族辨氏之一譜也然邇其所自
出則亦無不各有原委或始之皇初之受氏或本之侯國之分封或
自王父而開宗或承食采而列派或以官如司馬司空之各仍其號

或因嫌如孟仲章尤之隱避其文雖年湮世遠曠代弗傳而越國過
都一綫可考豈若墓門長跪崇禛之謁汾陽乞姓求官昌寓之却閔
氏同日語哉余鄰鄉名宗余氏其先雁門巨族也裔出江南銅陵鼎
盛甲第傳家始分派於廣府順邑之馬岡越九世復遷新安之碧頭
迨清月公過香山吉大鄉再卜官堂喜其南山聳秀東海濼廻遂
宅而居焉迄今蓋幾百年矣其世系本紀歷代詳明因時變屢更海
氛猖獗拾斷簡於塵閣中散軼遺忘今所板皆灰燼之餘也宜文學
正君親家先生時切厪念於康熙庚午年續修譜帙以爲宗族倡
然猶恐其考訂未真見聞未確經今二十餘年中詳加採訪用集大

成囑余爲序余忝在姻婭又以數十年莫逆之交稱世好焉聞譜而
肅然起敬穆然神往覺歷代之祖功宗德近世之英人偉士後先輝
耀歷歷瞭如指掌因不禁悠然有感曰源之深者其流長根之茂者
其葉蕃佇見萬派同清千株並茂余雖戚未有不藉施而沾餘潤者
哉爰舉數言於簡端以垂不朽云

崑

大清康熙丁酉仲秋穀旦介峰鄭文超頓首拜書





本族前譜序

嘗思古先王之為治也首重親親士庶之務本也亦曰孝弟分雖殊而水源木本則一也但恐世遠流長情以分疎而薄致祖宗一脈之傳歷數世而漠然甚且等至親如途人不大可悼哉夫族譜之作昔人著此以教孝也非謂作此遂可云孝謂藉此以紀宗德序昭穆明尊卑而講睦族則孝道寓焉粵稽我

最初受氏之祖原居山西大同府雁門關分派於南京池州府銅陵縣廣東祖即池州府銅陵縣之派也歷代久遠世數不能悉考第自入香

始祖清月公言之蓋自元朝來茲香邑初居吉大再卜官堂積德昌
後創立貽謀罔不纖悉畢周者所生一子曰

雲臺臺生二子長

名盛次 稅興遂衍爲兩房至此枝葉漸盛子孫蕃衍傳至我

祖世鞏公 伯祖毓秀完赤如一公乃

始祖九世孫也富而崇禮集族人建祠修祀此追遠之誠報本之義

卓乎可觀矣至若譜帙之傳向訂於 祖叔敬字公之手緣順治

丙申年海寇破鄉簡篇殘缺久未修輯宗德可紀而未紀也昭穆

可序而未序也尊卑可明而未明也睦族可講而未講也何以昭

仁孝愛敬之忱耶予生雖晚亦嘗從諸父老後訪其傳聞搜其殘
帙庶有以知其源流得什一於千百而猶慮其樸陋究不敢筆之
於書既而出就外傳讀書稽古下嘗取譜式而講求之叅互考訂
始信無大謬者去歲庚午之秋 家嚴詔予而前曰宗譜之失序
不惟無以聯族屬之情試問孰創其始孰衍其傳鮮不惘然莫辨
者爰命予而勤厥志予應之曰唯唯敬承命爰集先世之神主而
序次之傳信傳疑安敢妄爲附會第使譜帙既成由一世以至千
萬世支分派別瞭如指掌由創始以逮繼述祖功宗德宛然常新
俾觀斯譜者思前人之澤敦族戚之誼咸禮讓以相接恩愛以相

親人道大倫昭秩於子姓家聲其不振哉若夫宗譜之簡畧起而潤色之則後之孝子賢孫自有錫類不匱者昔蘇老泉譜序曰觀子譜者孝弟之心油然而生予於茲亦有厚望焉



康熙三十年歲在辛未春正月穀旦十一世孫廷顯百拜謹書

余氏總派

原最初之祖住山西大同府雁門關府城外之地者是也由此分派

南京

南京派

- 一派住徽州府歙縣巖鎮樟森塘井巷
- 一派住寧國府涇縣化林都
- 一派住揚州如臯縣紫陌街
- 一派住泰州府城內桂花街
- 一派住池州府東流縣南關



record-image_(17)

一派住池州府銅陵縣大通驛

福建廣東祖原卽池州府銅陵縣之派也因筮仕蒞任故居之

一派住福建興化府莆田縣研溪里

一派住廣東潮州府海陽縣楓溪鄉

一派住廣東潮州府揭陽縣員鏡寨

一派住廣東潮州府澄鄉縣漁州月浦

一派住廣東潮州府普寧縣後巷鄉

一派住廣東廣州府順德縣馬岡鄉

順德能舜祖原卽南京池州府銅陵縣人也以德行知名初仕福

建莆田縣尹再任潮州三任廣州府尹卜居市橋二世祖遷於順

德之馬岡鄉焉

初世祖墓在州後花山縣地方在廣州城北門往約十七里

二世祖墓在市橋謝村

一派住廣州府新安縣碧頭鄉

碧頭仕禹祖號康濟原卽馬岡三世祖窠菜祖之長子也菜祖墓

在馬岡祖祠右山臂作良寅向生二子長諱仕禹字世益號康濟

因武略任所寶安故在碧頭居之墓在碧頭何婆岡弟世昌塋馬

岡其裔仍在馬岡居住

record-image_(18)

一派住廣州府香山縣官堂鄉

舊譜載官堂唐高祖原卽碧頭第三房 泗太祖之第二子也於

仁宗六年時來香山卜居官堂至洪武年間設立版籍遂開族云



存疑篇

譜以傳信非以傳疑而謂之存疑者何也蓋疑者不存則真信無由而辨安有年遠世湮盡出於徵信而無疑者哉或曰疑者闕之何不可不知於疑者闕之勢必強蓋矯誣妄以似者爲真後卽欲析疑辨異無門路可尋是以存疑者正以考信也稽我始祖入香前譜已缺略第於三世祖墓碑刻公諱盛生於洪武己巳年則始祖必自元朝來香山及予修譜時家嚴曾到新安碧頭鄉訪諸宗人出其譜帙所載云香山始祖原係碧頭泗太祖之裔也於大明仁宗六年過香山縣官堂鄉居住似有可據然細考三世祖旣生於洪武

年問則碧頭譜載明仁宗六年入香山不無可疑况仁宗一年而止
安有六年之說或元仁宗未可知若考寔係元仁宗六年則與三世
祖生於洪武己巳年相合矣又於康熙乙未年馬岡宗人昂士前來
訪譜說香山始祖原係馬岡南溪公第四房之子來香山開族特
未知南溪公生於何朝與始祖入香時世相合否兩載疑端以待
將來考據則疑者庶可徵信焉

鳳岡氏謹書

蒸嘗論

自古嘗田之設所以備祭掃展孝思也有承祖宗遺業嘗田豐厚垂
樂利於無窮者固不可多得卽或先世無所憑藉而孝子賢孫或捐
助或儉積俾嘗田廣置祭祀豐潔此亦往往不乏諺云有田則有祭
無田則無祭嘗田之關於祀典不誠重哉奈世有不肖子孫非恃分
尊必挾憊惡吞匿嘗產以爲舉族莫如子何不知得罪祖宗神人共
怒如若輩者何嘗昌盛子目觀心傷因譜帙告成爰著一言大聲疾
呼籲吾族咸以此爲鑒各存孝心將祖宗現在嘗田矢公矢慎竭
力爲祖儉積而擴置之營業日厚應用不匱不獨性慳肥腴薦馨

有賈凡祠中美舉亦多所倚賴如延師儒以教訓子弟幫試費以鼓舞人才由是多士蔚起得成詩禮之族光前裕後端攸賴焉



新建祠堂記

考之王制天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三庶人則止祭於其寢廟各有別弗敢奸也傳曰公廟之設於私家非禮也烏有庶人而敢廟其高曾也哉宋元而降凡公姓公族之後以闕閱世其家者多立祖廟祀其先世曾有功德於民之人而名之曰祠祠之云者不敢廟之之意也至明成化年間始詔天下庶人皆得祀其始祖蓋聖王以孝教天下分雖殊而情則同推而及之所以教天下之爲人子爲人孫者咸得隨分自盡追遠報本盛世之所不禁也是仁

人孝子欲展親必尊祖欲尊祖必敬宗至於能敬宗者勢必能睦族
祠堂之制正所以安祖考之精神而萃子孫之渙散所謂尊祖敬宗
睦族之道寓焉念予先世以來亦嘗設立三世祖祠第限於地勢
堂宇隘陋於是合衆貯嘗協力贊勳乃於康熙壬辰年堂兄非凡爲
之首倡擇赤企曠地建造新祠門庭深邃廊廡清闕以之致孝享以
之明昭穆恢恢乎有餘矣迨後衆見祠位不利又屬偏僻予特請明
師再擇村內勝地卜云其吉遂於雍正庚戌年三月初八丙子日辰
時復爲改造二十餘年間再三經營以圖不拔之基至於 始祖向
未合族建祠今我等長房將 三世祠舊址於雍正甲寅年正月十

七甲午日寅時平基新建作爲 始祖家廟其於追遠報本之義庶
乎其無所憾吾願登斯堂者不忘祖功宗德之盛春露旣濡而萌怵
惕之心秋霜旣降而動悽愴之意致齋而後奠獻旣侑而後闔闈終
始一誠不忘不怠於以序事辨賢而禮意之周全於以備言燕私而
恩意之聯洽以之對越祖考豈不洋洋如在其上哉苟不然者徒有
牲脔肥腍而誠敬不存且人各懷異心而親愛不篤其欲祖考之罔
時怨罔時恫也難矣書曰黍稷非馨明德惟馨又曰民不易物惟德
馨物其是之謂歟祠堂告成十一世孫廷顯敬題



鑑星祖祠附入私房主來歷

壬辰年建祠於赤企因連年歲歉祠中所積不足以供浩費衆議有
愿幫銀者附其祖考妣入祠初議每入一主出銀貳拾兩嗜老公士璉
公履閑公如數先幫後又不足議每入一主出銀壹拾兩明達公松
樂公東泉公蒼宇公世鞏公亦如數後幫赤企祠成已將幫銀各祖
主入了祠中及至庚戌年遷祠於村內又遇祠費不足合衆公議除
宗子漢濤公外兩房另入壹拾肆公長房入東池公餘啟公完赤公
國明公安捷公悅山公業山公次房入連山公佐南公瑞允公蒼州
公逸吾公毓吾公抱赤公其間各房所入之主未得均勻俱於房中

私爪內愿幫銀入主者貼銀與不愿入主者貼補既定隨神牌另幫銀祠中應用鬪定龕位循序安座照合約逐一註明俾後世知入主來歷

廷顯謹誌

重建大宗祠及各小宗祠祀用來歷節畧

嘗思朝廷以仁孝教天下而草野莫不知愛其所親特患世代遠而忽畧之心生支派多而疎濶之情起苟忽畧而無聯屬之稍疎濶而無統聚之則何以能敬宗而收族也然其法莫善於設祠宇以妥先靈潔豆籩以崇祀典者也予香山始祖相傳自元朝由同郡之順邑馬岡鄉徙居於下恭都吉大村再卜居於官堂由此族姓繁衍子孫漸多前人已於乾隆四十八年癸卯再三經營將始祖祠遷於村外北邊巘山下坐辛向乙兼戌辰於嘉慶二十年乙亥又添造上下兩進兩旁輔屋疊經修葺皆覺蟲蟻侵蝕棟瓦傾頽迄咸豐六年

丙辰歷數十載堪輿家皆云祠地甲寅方位空缺蟲蟻所以頻仍乃父老深信其言隨建一小廟在於坎方以補空缺至此預爲風水可以久大而廟祔永奠千秋則祖考之靈爽得以式憑子孫之言笑得以永聚不料經修十餘年而蟲蟻仍復盤桓不去廟貌又見飄零父老乃集而謂之曰此蝨至今不去是終不去也必向度之有錯也地勢之不宜也陰陽不可不相也流泉不可不觀也於是復有更新之意焉但思祠宇之更新坐向亦不宜守舊所以棄前模而平基址改別向以下垣墉革故鼎新工費非輕易舉此時各父老而言曰欲求先靈之妥必要子孫不吝其貲幸闔族大小樂從由是義捐統計

一族共捐得銀壹仟伍百九拾六兩惟是籌度其費僅得十分之一其餘再向各房入主配享以每位捐銀貳拾大員共入新主壹百壹拾貳位該銀壹千六百零壹兩六錢舊主八十七位每位捐銀壹大員共該銀六十二兩二錢零五厘並向族中田畝捐抽得銀二百三十一兩七錢總共籌得銀叁千四百九拾壹兩卽於同治三年甲子二月興工拆卸三月平基動土上樑擇立新向坐庚向甲兼酉卯一連三進兩旁輔屋規模又見式廓氣象愈覺宏深後枕鼎山前環獅嶺四面峯朝中央水聚較前戊辰向果勝數籌幸藉祖考之福蔭是年十二月竣工十八日寅時晉火斯時也雪艷冰清橙黃橘綠集

一鄉之戚屬酌酒以話鴻圖聯數代之冠裳躋堂而觀燕賀孔曼孔碩魯僖之頌頰稱美奐美輪張老之詞疊晉猗歟休哉豈非一時之幸哉伏念吾族現見十八傳大小四百餘丁族非巨族家非富家建祠之志何其奮哉始祖祠已不憚屢遷而少祖之祠又各闢其基宇如三世鑑星祖祠成於雍正八年庚戌始遷村內 四世嗜老祖祠成於咸豐六年丙辰八月興工七年正月念八日晉火 六世佐南祖祠成於咸豐八年戊午正月興工十一月十七日晉火 九世世鞏祖祠成於道光五年乙酉以相傳十餘代而成 列祖之祠數座其中族老及董事者經營圖度辛苦備嘗祠宇之成雖祖考之福而

約榘工程尤子孫之力書曰肯構肯堂詩云爰居爰處其創造之致意殆與無間焉匪直此也祠之成者既足以藏祖考之精神而祭之切也尤當以隆籩豆之雅意春日祀夏日禴秋曰嘗冬曰蒸天地有四時之序祭祀有四時之儀所患者祭田未設而祭祀未由而起父老又言之曰建祠事畢而祀事尤要講明也闔族僉曰備言燕私獻酌尤要詳審也於是復捐貲以聯會集腋成裘權子母以生息積小高大蒸嘗既有而報本情殷或烹或剝或肆或將薦其時食曰殺羔羊駿奔走嚴對越交乎戶而交乎階恭敬無忘於方寸或在旁而或在上粢盛可格乎幽冥 祖考之音容雖邈誠懃自能相通前人之

警歎罔聞篤愛自能相感儼然如見愾然如聞陟降庭止錫我遐福
然則祠成祭設一則以酌數十代祖宗之功德再則以萃千百世子
孫之渙散豈以其事之淺鮮漠然置之也哉予觀天地之大萬類之
繁聚之者已知其有必散之勢親之者已知其有必疎之機而况人
事之變遷更有不可測者哉茲有祠以聯屬之則支派雖多相見終
不至有途人之慮有祠以統聚之則世代雖遠叙晤必不至有陌越
之殊此則敦天倫之樂事集宇宙之祥和者莫有過於此也報本追
遠豈非沐浴聖王之教澤也歟

十五傳裔孫 日 頌 謹識

宗派

宗派之設通族得以畫一所以別尊卑而序世次俾內外遠近一聞
其名知爲第幾輩不致紛然莫辨今取恭寬信敏惠五字定爲宗派
俟五世之後修譜者另設規式既定庶無參差此宗法之整齊而不
亂也





禮儀引

禮惟祀典為大祀本於誠敬尤著儀節文公著於宋文莊訂於明固垂百代而莫易然俗每祀祖三獻以下省闔門祝噫飲福嘏辭為餘文而以禮觀之飲福乃祖考頌嘏辭亦祖考致福最不宜略凡春秋祭祀應依家禮唱舉或寢門未設祇省祝噫闔啟餘不宜省審其輕重而裁酌用之庶不背於古併宜於今歟為定儀節

重校時祭儀節

惟元子承祀凡事聽命於元子元子即宗子謂之主人也

合用之人

通讚二人引讚二人司祝一人兼致嘏辭俱擇子弟之知禮者先期演習儀節庶不致臨時失悞

前期三日齋戒

前一日設位

最尊居中高祖南向稍降會祖稱東西分列席皆稱降而弗正對似乎人心為安

陳器 堂中用一桌為香案上置香爐燭檯下置茅沙盆東階設盥盆二一有架者併悅巾主祭者盥無架者執事盥

具饌 果餚湯飯各項皆列於巡廊之下每一獻用執事二人捧置於祖前凡三獻

行禮序立 是日主人以下盛服入祠盛服不在華麗有名位者用公服庶人深衣幅巾貧者雖布素之衣洗潔即是白衣冠不可與祭如有服者易以黑

衰方可從事宗子居同輩者並列先輩進前一步子姪輩退後一步孫輩又退後一步不許參亂所謂序生者之昭穆以前後行列論也

古者祭祀必兼宗婦今者之故不載

唱通 放炮 擗鼓 鳴鐘 奏大樂 奏小樂 樂止 主席者就位

與祭者就位 執事者各司其事 叅神鞠躬跪 叩首

再叩首 三叩首 興 跪 叩首 叩首 六叩首 升

跪 叩首 叩首 九叩首 升 盥洗

唱引 詣盥洗所 盥洗 主人及執事者皆盥 拭巾 復位

唱通 降神

唱引 詣香案前 跪 上香 凡拈香宜用左手爐火宜熾務使香氣濃 再上香 三上

香 酌酒 酌酒 以酒沃地也 子弟一人跪主人之左進盥盞主人受

盆右手執盞盡傾於茅沙上以盆授執事者執事者方起

進花紅 叩首 再叩首 三叩首 興 平身 復位

唱通 進饌 或肉或魚每進一俎主人跪獻或執事跪獻亦可 行初獻禮

唱引 詣祖考妣神位前 跪 酌酒 祭酒 執事者跪奉酒於主人受之傾少許於茅沙上

或曰三滴古者飲食必有奠酒執事者跪接置祖前祭以鬼神不能祭故代之

唱通 司祝者就位 跪 衆孫皆跪 讀祝文 祝者跪於主人之左

唱引 獻牲 叩首 再叩首 三叩首 升 復位

唱通 分獻 各房私祖處各子孫獻之 奉饌 進粉食或麵食 行亞獻禮

唱引 詣祖考妣神位前 跪 酌酒 奠酒 奠於祖考妣之前 獻菓 獻金

豬 叩首 再叩首 三叩首 升 復位

唱通 分獻 進饌 奉羹湯米飯 行終獻禮

唱引 詣祖考妣神位前 跪 酌酒 奠酒 獻羹 獻飯 獻

帛 獻財 叩首 再叩首 三叩首 升 復位

唱通 分獻 亦各子孫獻之 侑食 主人執注通斟滿正飯上退立案前 飲福受胙 司祝奉祖考之命賜主人以酒期以福祿

唱引 詣飲福位 即香案前主人就席北面而立 跪 祝取祖前酒詣主人之右立授主人 受酒 祝以盞授主人

唱通 嘏辭 祝曰祖考命工祝承祀多福無疆於汝孝孫來汝孝孫俾汝受祿于天宜稼于田眉壽永年子孫孫勿替引之

唱引 啐酒 主人嘗少許置爵席上 受胙 祝授主人以匙抄祖前飯主人受而嘗之 叩首 再叩首

三叩首 升 復位

唱通 捧竹帛者各詣燎位 化財 焚祝文 望燎

唱引 詣望燎所 望燎 復位

唱通 辭神鞠躬 跪 叩首 再叩首 三叩首 升 跪 叩首

首 叩首 六叩首 升 跪 叩首 叩首 九叩首

升 送主 徹饌禮成

祀門官土地儀節

就位 叅神跪 上香 凡三 酌酒 醑酒 降神 進花紅 奏

大樂 叩首 再叩首 三叩首 升 跪 進酒 宣祝文

再進酒 三進酒 獻牲 獻菓 獻財 叩首 凡三 升 化

財 焚祝文 辭神 跪 叩首 凡三 升 禮成

祀祠門官土地文

維

○○年○○月○○日信士余○○等敢昭告於

門官土地之神曰某有事於

祖廟時維庇祐實賴

神麻蘋藻雖微庶將誠意伏祈

鑒歆永奠厥居尚饗

時祭文

或裔孫宗子外出使人代祭文中即寫主祭孫某使介孫某執其常事云云

香煙縹緲挾

春露秋霜

以飛騰管聲和鳴

借薰與金

風而爽奏因時致享怵



楊萌心恭惟

太祖

勉勉拮据燕翼貽後人之慶

冥冥積德克昌餘久遠之謀追念

前勞愧顯揚之未報躬承

先德恍陟降於如茲將奏假以無言致孝思而不置載清沾

而奠獻裸將是虔定和羹而妥侑駿奔惟敏伏願

神嗜飲食苾芬無虛設之文錫福後人瓜瓞有綿延之盛矣尙饗


十一世孫廷顯載

重修族譜小引

余自修譜以來五十餘年於茲矣時移世殊人事遞易前之髫齡者今已長成前之未有者今又輩出其間生而創興者幾何歿而改遷者幾何每多未及編入雖曰踵事增華不能無待於將來第恐年久異聞不如得諸親見爲真是以世家巨族三十年一修其譜者良有以也余向旣勤採訪勞心考核自初世以至十四世逐一編次詳因其詳略仍其略留心數載始獲告成復於晚年目所及觀者再加編葺凡於辛未以後所生之人以及所爲之事有關於族譜者悉舉而載之正欲使後之賢者撫時增修得所憑藉庶幾續承於勿替云爾

余氏世譜序
卷一

歲在癸亥臘月立春之吉八十三歲孫廷顯再筆



官堂余氏世譜序

邑治東南隅稠山瀕海亘七十餘里外沙岸紆迴村墟綺錯雲林
若遠若近中有奇峰挺特望之如鼎峙然俗名金鼎山其陽曰官
堂有余卓兩族為梓里親而余故名閱家祖貫順德自承仕郎能
舜公遞將仕郎貴卿公傳為始遷於香之清月公以隱德終
國初開予香仕路先者前藍田令余鼎乾聞其棣臺庠名鼎升為予
高祖進士一岳公佳壻其榜名楫者又予宗氏莘望兄為甲子科
同年友世戚之好年來情話欠耐矣歲丙寅予以直北散館挈家
南歸後會巽臣余君於城西予老友也濶別問年喜不可狀余君

余氏世譜序
卷一
譜序

時速於馬岡訪譜之行而別丁卯冬郵其所修之家乘書以徵序於予予惟譜義昉自古之世本錄觀之有熊十四姓高陽十六族陶唐親睦虞姚敦叙繫姓章矣三代下天子因生以賜司商協民以紀而世系昭穆又令小史掌之秦失其政漢置宗正以叙皇族而遷史多因於周譜以明世家晉魏以還如賈弼王弘劉湛沈約輩各出譜例甄析士庶以助銓序以定徭役甚以爲學選格名之曰方司格而世習以門地相高沿及隋唐王章下降冒附右姓者多貞觀中命高士廉等考訂氏族志議者以路敬淳之姓畧爲宗柳冲之姓族系次之他如李守素亦著姓氏時謂肉譜厥後五季

蕩析民離至士大夫暴貴不能舉其先代名字者有之俗且譜出專門上雖欲爲置官撰定勢亦不能排奪庶族亂而國從以衰宋興設玉牒所以典領宗室歲撰宗子名以進而諸儒因姓著郡又自推本乎大宗小宗之禮以範于而家風于而族此眉山廬陵氏之譜學以傳歷元而明會典續定以皇家玉牒十年一修士族譜三十年一修爲例今

聖朝以孝治天下凡在秉禮家罔不遵同文同倫之政教而宗統秩有成書夫唐漢而上上譜於朝其體與史家相出入宋元而天下譜於家其用與宗法相維繫要非通儒譜未可易言作巽臣君固

自蘊其學於家修而實力又具有卓識予因舉古今譜籍上下其
 議併詳其祖居之勝以降地望知其家之代有名賢予自託於門
 下之先於姻重於友借得掛名於簡首尙在同宗誰不思有所表
 見於中流示於後以蟬聯鵲起家聲之一一於不墜俾世之徵文
 者考獻又將擇而取之以補邑志之遺備

國寔之採豈不懿哉若其因創詳畧例備義精觀於譜者宜自得之
 予不爲之贅云

峕

大清嘉慶歲序丁卯小春月吉



賜進士出身內閣中書兼內閣侍讀加三級紀錄五次前翰林院
 庶吉士充內庭三通館纂修官義門鄭應元頓首拜撰



重修族譜宗本辯

香之余官堂一族里也其始肇自清月公於元明之交竄兵避地舊
 不知道從何來一說來自新安為泗太公第三房孫一說來自順德
 為南溪公第四子以今考之新安派出順德派之五世巢翠公即南
 溪公第四子娶蘇氏生三子長正甫諱端號澗谷原居州城高第街
 娶小市街李氏次君祥諱昌號雲泉娶外海陳氏為先儒白沙子大
 姑年二十孀守旌坊表聯曰飛龍舞鳳文明世白日青天節義門三
 君錫諱受號秋澗娶龍江陳氏澗谷生五子祖述娶張氏祖遠娶某
 氏祖廸長殤祖達長殤祖通娶李氏祖遠諱宗明號竹屏生子仕禹

譜宗本辯

諱以功娶金甌林氏生子康濟諱世益號怡蓮隨母林氏由金甌村

遷仁厚園卽今碧頭之始祖也娶何氏生四子悅瀾兆瀾卓瀾傑瀾

傑瀾諱麟字滄桂娶文氏生四子越平爾太泗太繼昌泗太諱聚英

號映峰娶唐氏生三子樊似樊泉樊勝樊勝諱愈號乾岳娶曾氏續

梁氏生三子樂善道高唐高唐諱文屏因胞兄道高官事波累走

香山吉大後遷官堂概得碧頭之譜傳如此順德溯始 能舜公生

貴卿隸馬岡籍次壬卿隸莆田籍三漢卿不知所之有說由詔入潮

未定貴卿生二子長玄澤號信菴次玄潤號翠峰信菴娶龍頭堡嚴

氏生三子長民昭號南溪次民顯號化龍三民輝號晦叟南溪娶大

欖陳氏生四子長林泉諱禪次靜江諱遜三松雲諱祚四景福諱禧

號巢翠葬於祠后山右臂作良寅向概得馬岡之譜傳如此夫巢翠

既墓在馬岡又爲碧頭之命脈祖則云我香族來自南溪公第四子

其說固見傳訛况自馬岡能舜公遞碧頭唐高公已一十有四世所

云來自泗太公第三房孫更難傳信莆田鄭尙書仙溪有云閩廣之

有余皆自能舜公始公生於宋寶祐甲寅於元天曆己巳入官於粵

時年七十六矣我香族之一二世祖生卒俱失考而三世名盛祖字

鑑星生於洪武己巳距天曆己巳不過六十年距寶祐甲寅計壹百

三十有五年約畧以三十年爲一世論之我鑑星公應亦能舜公之

曾玄孫耳以視新安十四世之唐高公先有生洪武己巳之孫豈不悖哉照查馬岡三世翠峰公娶大布葉氏三子五孫不知何往然曰不知何往其爲能舜公之長房第二孫就其父兄生年無可考較必丁元季時人與我鑑星公生年世次不遠又據我族稅興房譜始遷祖字道明號清月又號二哥娶葉氏生一子字福謙號雲臺臺生五子稅助稅敬稅盛稅興稅英是知二哥非號乃當時隨分通稱傳之到今藉可考信爲行二之翠峰公也雖一子與三子之數不符而五子分屬五孫適符其數至娶氏之爲葉爲葉及鳳岡公手譜爲董三字俱類草頭其中不無魚豕之誤安知遭時喪亂有不能保全其三

子之數也未可知慨嘗讀書論世求之一代且無全史足徵矧譜出專家又以門地寒微幾閱三朝按圖而索雖智長力給不能不闕其所疑而尊其所可信者謹斷自馬岡之翠峰公基於官堂之清月公是二是一備著所聞以貽來者

嘉慶十五年庚午新月中澣之望巽臣海載





官堂重修余氏族譜前序

古者姓有苑譜有官彙天下千百族第其甲乙辨其昭穆褒德錄
 賢大有關於孝治宋之名儒輩師其遺意各出譜學哀次成帙藏
 之家廟曰家乘遂通其制於天下後世為教孝之第一義也予官
 堂余族譜向聞有八世敬字公定本順治丙申歲賊氛銷墜嗣十
 一世鳳岡公於康熙年內手修之上叙
 始世清月祖二世 雲臺祖文多未詳次三世 鑑星祖行一 稅
 興祖行二序分兩房時僅就我長房承宗衍為一大房譜乾隆癸
 亥重加編善作存疑一章以推言始祖所自出懸於安順兩邑之

前譜序

金氏附門家乘 卷一
問執其說總未能歸於一是究之酌水思源何以津逮俟後來之
無徒以口傳耳受而貽譏二本哉予嘗東遊寶安北抵仁厚園以
訪泗太公遺裔猶有傳者西度鳳城過馬岡入觀宗廟穆然想見
雁塔四題鹿鳴九宴之代著芳聲猶足興起來哲至其地賢士長
老往往論予香族本自一脈而來并出其譜次其世上下其朝代
相考較知本系出自順邑而非安邑也明甚論本姓原歙州余氏
自東晉大都尉兼經筵講官之蓋臣公受旨易姓爲余以名典郡
武有君章公爲西晉大將軍節度使食采雁門地文有正國公登
唐進士官拜吏部尙書詔講經於南昌閣金紫一門世爲南京鼎

族厥後子姓分蕃入粵入閩皆自能舜公始公於元天曆己巳以
莆田令擢廣東韶州路推官其先上元人其後官於番禺家於順
德之馬岡云予清月公正爲能舜公孫貴卿公子信菴公弟丁元
之季州城陷亂避兵香山流寓吉大行營善區旋於此地相更始
外不偪處島夷中且遠離城邑藉可固培根本期枝葉之碩茂蚤
實以蕃旣而有明一代休養生息小焉聚族際我

朝文治之盛漢濤公以明經歲薦老其遇於富陽藍田兩邑宰凌滄
公英年科目又不獲大舒其才實以終豈兩間精華福澤之秘有
以蓄而爲發耶蓄愈久遠發愈光大此積德累仁之必歸於厚也

迄於今相將五百年名運天其有意以興吾宗風氣若駸駸然其
日上乎邇年祖廟宗塋禮祭義嘗諸大計從新修舉罔敢有懈惟
譜經二十餘閏恪守舊遺遲之又久人事代更見聞日隔不幾於
流失渙散而莫可尋真况以品地學植義風節槩各有成立者雖
去古稍遠猶嘖嘖相稱善於都人士口而無力爲炳之

國書里巷之士女窮愁深自閉塞陰有懿行極之顛跌撼頓不之志
變又不敢以自白而世亦無觀人風者一暴其光如此之比毋阿
好毋飲鬱胥於是譜徵述之令身受者無憾觀感者猶興而萬世
守爲不刊之茂典若正名定分取生娶卒塋嗣續適配之由得而

粗傳體例具載無事言之絮絮者耳惟在昔譜自鳳岡公已不得
乎敬字公之譜傳其稅興房譜又出無名子手俚而不文欲多識
前言往行而不可得又寧易殫不才心力兼纂兩房之宗統爲久
大規竊不禁感慨係之近之異地同宗恣欲勝遊以自廣遠之歷
朝繫世據可考信以緒其傳上之思結天心之眷發越前古以無
負我初祖辛勤保世之心下之整齊其世傳嘉往勸來俾羣知譜
義立乎大宗法之無不備至由斯壹族俗篤宗盟咸相與沐浴歌
詠夫

帝世敦睦之休風而人人親親長長天下所由平矣古王者之以孝

治儒者之以孝教宜莫能外是予亦非敢志乎古之可作隨有所
得筆之於書冀後之蔚起多賢勤思補綴自能匡所不逮而於世
之承統必盛其於譜之修祚必昌是為序

皆

大清嘉慶歲序丁卯上澣之吉雁門郡十三世孫巽臣海薰沐書

余氏總派篇後評

舊譜自鳳岡公如此編派因仍其式而未敢更但其中註能舜祖再
任潮州三任廣州實不知何從考據稽之馬岡世系考能舜公由莆
田縣尹陞韶州路推官不久致政王尙書叙莆田宗譜能舜公為韶
州路推官蒞政三年卒於官又花邑鶴子岡墓誌能舜公於至大辛
亥辟為莆田今天曆己巳擢韶州路推官九年致政皆未有官於潮
廣之說如註仕禹公字世盤號康濟謂卽三世窠菜祖長子不無失
之訛傳原新安譜載巢翠非窠菜也巢翠繫出馬岡之五世非三世
也且仕禹本巢翠之長子澗谷公生下竹屏公之子是仕禹乃巢翠

曾孫非長子也仕禹諱以功爲康濟父非卽康濟也康濟諱世盤號怡蓮爲安邑北頭仁厚園田尾村之開族祖元配何氏合葬根岡卽今之何婆岡也至註唐高公泗太公第二子則又差矣新安譜系唐高諱文扉爲泗太公第三子非第二也其第二子道高諱文超號蓮峰世居新安我官堂一派斷非新安唐高後據於仁宗六年來香山就在鳳岡公存疑章已明辨其非矣今準之馬岡碧頭兩譜而論定之我香族始遷祖原順邑馬岡三世行二之翠峰祖來基於官堂此說直可信今傳後而無疑

巽臣氏謹評

文超鄭公譜序後評

巽臣曰文超鄭公介涌人其子孫世以科仕顯前作友善盧公雙龍人與鄭公皆當時知名庠士爲吾房伯祖鳳岡公舊相親知於康熙年間譜成問正之以序煌煌鉅篇重爲吾家生色矣但吾家世至順德之馬岡第三世翠峯公來居於官堂今考之已審而舊日尙未考據不無疑自新安來者以故鄭盧二公題跋概就新安碧頭虛作引子也又讀鳳岡公譜序明以世數不能悉考第自入香始祖而言并新安碧頭字面毫不着墨惟總派一篇尊本始而重統宗不得不牽合於附會相承之說楮列數行以俟經久論定任可刪正耳而鄭盧

二公悉原其地而不本其祖此似語意抱遺善讀者自能領畧恐墨守者流好持其說以迭生疑論其與耳食正無以異



官堂余尋源考

史遷曰自殷以前諸侯不可得而譜察其首封所以流為子姓者未始不見之他說予以頌次家世叅之氏族通考余之先禹之苗裔封於余以國為姓周衰侯祚不終世失其序越秦而漢世居下邳初平年後徙丹陽遷歙州繼而竄居南昌有東晉時官都尉兼經筵講讀諱頑字蓋臣於泰寧乙酉奏謁肅宗明帝深得上意賜之姓即余稍易之以誌異而余之所自以始繼世諱昭元字君章西晉朝由進士官鎮海大將軍節度使征討有功駐節雁門因以名郡傳至二十二世諱欽字正國籍居南京新安登唐進士官學博士晉吏部尚書詔

講經於南昌閣緣郡典亦著南昌又遞一十一傳爲閩粵所共命脈
之祖諱能舜字唐舉號仰華原上元人元武宗至大四年辟爲莆田
縣尹明宗天曆二年除廣東韶州路推官享年八十有四妣戴氏年七
十有九合葬於花邑臺頭村鶴子岡三子季漢卿由韶入潮仲壬卿
先隨莆任立籍世傳其里居曰余埔其後分於鎮江三洲或下都或
樓下江或泉州府同安縣皆閩之一派孟貴卿隨父入韶以功授將
仕郎官番禺沙灣司僑於州城之西後遷馬岡元配崔氏續蔡氏合
葬於番邑謝村大社山二子崔安人出長玄澤號信菴三子九孫衍
爲順邑望族次玄潤號翠峰卽基於官堂之清月公也元至正間天

下洵洵嶺海騷動尋遭何眞邵宗愚流據州城公以故紳子不爲勢
附竄家而南時香山尙爲國守募兵依於達魯花赤幕下重以賓禮
待二哥之稱劇有時名洪武戊申遣將廖永忠傳檄定廣闔邑歸籍
公乃濱居於東海之吉大村轉以官堂爲東南通路原田沃野大可
生聚續遷於今所則更名曰時泰竝自卜壽藏於附地竹籬下別字
曰竹主人卒後子孫守墓俗呼爲清明山表之神道碑曰清月公遂
因爲號獨恨生卒不傳又有所不盡其人之可傳以顯坐使流離隱
諱鬱於義憤不屈之不欲以功名終終自家國無歸幾於淪切而天
若鑒之故將以大其後公之陰有令德可久而知德配董氏有說葉

余氏雁門家乘 卷一
氏有說萊氏觀於祠墓也奉董氏安人三子其兩子缺考其一字福謙後人禮諱其字就公墓在飛雲嶺號曰雲臺公妣曾氏私家所譜又不知奚所做而載為張氏雲臺生五子曰稅助曰稅敬曰名盛曰稅興曰稅英其稅助稅敬稅英有傳無傳殊難核實耳之先世有字曰時然者其家別主祀位三世祖每深自諱詭言為一翹公之後云予猶及見其子曰恭承孫曰詔寬訖亦無傳又明末鄉貢士名述周者康熙乙卯科武魁名兆錫者歷歷載邑誌而合宗舊無成譜亦莫識其系出某公概從其略名盛公與稅興公近代通作長二分房昭穆相承詳於紀系茲不具述念自馬岡三世別派為予官堂始世開

宗序有一十七代已幾五百年等而上之距東晉授氏之年一千五百有奇本本源於今五十一世焉其間掇高科職清要文章勳業爛然侈為家乘光者代不乏人如以門第論之簪纓之鼎盛居順邑者較越於香山他若新會龍翔公以鄉薦授教諭新安康濟公以武畧任寶安新寧彥恒公以名行表郡誌而東莞而增城各有以門地自立而不汲汲於世之知名者又何可勝數以予所聞海陽之楓溪普寧之後港揭陽之圓鏡寨程鄉之漁洲月浦是皆分隸於廣於潮而為姓名邑里之最著者通譜會宗粵中應不亞於閩中之盛顧閱世久遠又以嶺表接壤成族曾無肯出一力考論淵源所自聯為南

宗一譜公之同好垂之於無窮此予又不能不寄慨於夏殷之文獻
無徵而心思禹之明德遠矣著其明疑者闕之後有達者其於虛實
之論可推覈歟

大清道光歲次乙酉仲冬穀旦呈瑞約雲謹識

重修字派說

有明洪武初年首封同祖之親詔定二十字付宗人府掌之凡親王
位下生子及孫每一世取一字爲上其下字隨時隨意選合以爲雙
名編入玉牒至二十世後照例續添如高瞻祁見祐厚載翊常由慈
和怡伯仲簡靖勉先猷之類是也世族之家多通其義以名宗派名
派一定聞之於時傳之於後咸不失其等倫不紊其稱呼而正名之
道得吾族祖世表字不一其派至鳳岡公修譜時著恭寬信敏惠五
字派自十二世起舊猶狃於房派之相先後逮信敏輩出以派齊名
無一外自立異者但漸推漸滿又當爲十七世後開派惟未敢成於

余氏附門家乘 卷一
一人之私隨集衆長以要諸至當議續取敦厚以隆禮五字爲派告
之廟卜之吉載在譜中俾後之孝子順孫將其字或上或下斟酌選
合以成雙名循序而遵行之週而復始以次出其新裁庶宗法愈見
整齊而名義更足千古矣

甲申年重修族譜畧節

譜帙創成於前輩重修端賴夫後人蓋三十年一修譜者世代近則
考核眞長老存則見聞確至年湮世遠則諮訪無由稽查失據欲續
修其譜者好費艱辛三十年一修之法誠盡善而盡美矣溯我本族
譜帙向訂於八世祖叔敬字公之手緣於大清順治十三年歲次丙
申海寇破鄉殘篇缺失久未修輯迨至康熙三十年辛未曾伯祖邑
庠生諱廷顯字正君者恭承 嚴命遂修我 鑑星祖房譜其時公
年僅三十未敢自信尙質之母舅友善盧公指示譜式由始世以至
十四世由長房遞及次房魚貫而下生卒娶配壽算墳塋一一編列

宗氏雁門家範 卷一 四七 享贈堂
稍有疑義卽開木主核查並問族人年長者所見所聞務求真確載
在帙中經歷二十餘年時切厯念猶恐考核未真於五十六年丁酉
出其譜帙與其親家文超鄭公互相考証乃勳厥志用集大成又於
乾隆八年癸亥公年八十有三復將前譜未載其後來所生之人以
及墳墓遷改之處再加編輯參訂並註定譜總圖明譜十條鑑星祖
祠堂記附祠神主記蒸嘗論禮儀引本姓總派存疑篇遺傳軼事文
藝壽序譜序宗派譜式世系小引一一列載於譜內無不纖悉周詳
令今日觀斯譜者敦宗盟聯族屬宗支明而昭穆辨善行著而德業
彰其有功於族豈淺言哉長孫凌滄公甲子科鄉試中式庶耐公於

萬一也至癸亥以迄於今計約九十年矣其生歿者不知凡幾其墳
墓遷改者又不知凡幾中葉雖有琼林如叙庭巽臣書城輩欲行續
修之心僅得半稿天不假年有志未逮遂置於此道光四年甲申新
聯世益會在祠會飲族衆羣相謂曰建祠聯社皆爾輩倡率焉惟譜
帙一事歷年已久愈久愈失其真何不爲之倡議修葺予心戚戚然
亦不自安但自揣內少文而外聾聵力以難支商於弟姪信民爲敏
祝敏等共勦厥事皆曰唯唯喜同雀躍卽於冬十一月設局在 鑑
星祖祠續修譜稿焚膏繼晷日夜不輟於前譜所已載者重加核實
於前譜所未載者則如式添註之其中或有舛錯太謬木主不符者

則細詢其家人及外人有知之者刪改勘正據實編列至於無可稽考則不得已而註其失傳雖不敢必為無錯然其衆精會神加功搜訪問心亦粗可自信即比於我廷顯公創修時尋墜緒於茫茫訪遺言於渺渺其難也實不問幾希由是歷三月而譜稿成越次年冬而全帙工竣披斯譜者聿觀厥美知才華識卓如騰高東池蒼字敬字公富而崇禮如毓秀完赤如一世鞏公又有漢濤縱生雲友吉若頤若安捷允上立方鳳岡惟兩顯公凌滄賓門時以文學著雲菴容莊景熹和清維翰瑤明泳溪廣心芸軒琼林祿亭維衡巽臣賁園兼五叙庭斗垣月圃挺一書城香澗又以善行彰先後濟美代有其人無

非 祖宗積德累仁以貽謀燕翼後之孝子賢孫當思父言慈而子言孝兄則友而弟則恭藹藹怡怡和親睦族庶幾不愧我銅陵世胄鐘鼎家聲將見明德之後有達人愈昌而愈熾矣十四世孫信熙謹將重修族譜畧節實錄以傳



record-image_ (50)

余氏雁門家乘
卷一



附稅興房合譜記

二世雲臺祖之次子稅興公乃鑑星公之弟也分房以後相傳一十七代未有譜帙緣我鑑星房於甲申年重修房譜時有稅興房子孫齊赴譜局求請合修我輩目觀伊房大小共計二十餘丁皆是赤貧之輩不曉文字稀微殆甚因允其合譜亦我房篤親之美意也卽繳其小册及開其各家木主互相查對總不相符舛錯奇謬宛如亂絲極難下筆於夜闌人靜之下不避冰寒將其各代祖妣盡行錄列某爲甲祖某爲乙祖某爲甲祖之裔某爲乙祖之子若孫支分派衍脉脉相承至生卒壽葬墳墓遷改多有缺失不過詳因其詳畧仍其

余氏雁門家乘

卷一 合譜記

五

改譜

余氏雁門家乘 卷一 襄陽堂

畧卽有遺亡亦其裔嗣凋淪日久無處稽查非執筆敢有稍存私意也故記之

崑

大清道光五年歲次乙酉仲冬穀旦

信民 經敏

雁門郡孫為敏并書信潔全修校正百拜謹識

祝敏 惠鰲

遺傳軼事

萬曆十八年盧榮伯串大鵬所小旗韓一妄以軍戶捏騰高公在縣訴云高自洪武版籍編立民戶撥充恭三三甲里長素與大鵬所余初七軍籍無干豈容仇惡指鹿為馬以一余姓相同概作為軍上亂版籍下禍生民律難輕遣狀赴是年二月十四日邑父母鄧批准於三月二十七日審結批云審得盧榮伯以生平小忿與大鵬所見伍余初七相合誣捏本縣歷年充當里長民籍余騰高妄開與初七軍戶以報私憾當日楊以禮書批可証心術奸險合擬罪具招告照人余騰高年籍在案告乞 恩賞印照杜絕禍害事高原洪武

余氏雁門家乘

遺傳軼事

卷一

年間編立民戶撥充恭三三甲里長迄今二百餘年一向無異冤遭
仇毒盧榮伯前往大鵬所當軍詭合奸惡小旗韓一妄捏高原係軍
戶余初七繼丁關移勾解高乃哀鳴幸蒙 仁臺明審批奪伯委以
生平小忿誣開同軍圖報私憾責伯擬罪招案明白德荷無涯澤流
非淺奈何韓一未拘到案伯心奸險無限若不陳乞憐錫信照回文
繳結誠恐詭計多方奸生百路違案仍害禍無了期患奚休釋爲此
遠慮具詞叩赴仁臺作主批給印照塞仇禍源萬代沾恩匍匐上告

文藝

漢濤公歷任錦屏詩序甚多緣日久遺失至修譜時祇搜得鄉紳詩
三首及公手作詩啓一二附錄於此以誌不朽

天挺英標地望高辭傾八斗冠羣豪心懸玉陛天邊日才壓金鰲海
上濤聊把文章施化雨旋將事業湧天膏牛刀暫試花封手枳棘安
能屈鳳毛 馬獅 藉藉才名動北平烹鮮小試借調羹三千政蹟
留花縣一路歌聲到玉京愧我金臺持絳節思君梓里倚長城極知
未盡登車志見說山公已奏迎 汪浩然百粵鍾靈閱揚三都賦
就燦文章梅開庾嶺胸中秀珠媚滄溟筆底光訟簡簾移花影靜政

清琴挾竹聲涼試看鷄犬千家樂麻詔飛來翰墨香 邵廷儀邵廷儀乃香山縣主也原籍陝西西安府藍田縣舉人當 漢濤公蒞任藍田縣時邵公屬在鄉紳迨至選出香山縣請教利弊於漢濤公公最囑者香邑有斷腸草民間或因小忿服毒圖賴思欲傾人身家不顧自己性命凡遇此狀應莫准理自能革弊安民是以在任三年食藥一事每不多見其爲功不少也

賀歐陽邑侯蒞任啟

館閣英標珪璋令望夙擅曲江之風度曾傳芳譽於燕韓高披蟾窟之天香暫試新硎於魯卓車隨甘澍春膏已沛於粉榆簾捲慈雲父老咸歌乎襦袴行看循聲上徹應知秩晉清華治弟鼎乾謬膺一職遠處西秦素厯御李之懷未遂識韓之願何緣瘠邑得荷福星第編氓之誼未展鄙忱而愷悌之思彌切孔邇茲特着小价旋鄉令舍弟鼎泰晉謁敬陳葑菲畧表賀悰另有啟者敝戶余衆戶口雖通族同當稅糧實兄弟過半今年現役正切拮据倘有雜派不行統望垂青照拂伏冀廣三春大澤無徒厯萬里私懷臨穎曷勝瞻依之至

余氏雁門家乘 卷一 三

商飈綻爽碧天秋綠水輕雲拂檻流鴈陣長征涼雨過蟬聲普唱晚

風悠鳴時墜葉驚衰髮觸目凋楓憶遠遊坐嘯南軒情永杳芝蘭堪

佩思長留 秋日即景

芳樹春光散彩霞條條紅紫儘穠華風吹新韻餘香遠折入屏前好

賞花 芳樹

少年花下逞英豪坐覓春光清興勞叔度才名風雅韻尊前忙得嘯

揮毫 春早集黃汝立文學花園誌贈

凌滄公幾次公車北上所題咏頗多今約錄數章

海濶天空豈自牢滄江一目傲秋高星門隱有雲端現破浪乘風興

會豪 秋江

故園楊柳傍鞍生撫髀猶留太息聲先帝豈堪馳馬苦功名腸熱覺

身輕 過漢昭烈帝故里

背郭得徐步興豪日未暎絕峰通紫極陟巘識丹梯目遠天涯濶身


高地角低風來山欲雨空際起雲霓 登蓮峯山絕頂

二世貴卿公初至馬岡觀景而思故土因作詩一律

南國無霜白髮侵秋山清景共登臨花邊愁意憐春酒江上歸心托

余氏雁門家乘 卷一 文藝 五十四 文藝堂

玉琴獨鶴離巢驚墜葉孤鴻遵渚動哀音杭州夜市人何在回首當年淚滿衫



雲菴公七十一壽序

道庚嶺而南怪石巒峴奔流若駛翠壁蒼藤映帶左右帆檣皆作碧
色名勝爲海內冠旣而泛重溟經絕島江洋澎湃不可迫視羣峰若
遠若近滅歿於殘霞巨浸間舟人指點告予曰此香山瀕海而邑者
也美哉葱蔥乎扶輿清淑之氣咸萃於此矣意必有耆儒碩德魁壘
超常之士伏處而不出者予將過而物色焉居無何訪士於學博士
君嘖嘖稱余子雲菴不置及接其言論丰采恂恂儒雅有忠厚長者
風間與之商確古人成敗得失若燭照數計而龜卜也識深而養沉
庶毋金玉爾音吏治民風實嘉賴焉而君雅自愛於風雨晦明足跡

今日剛門家乘 卷一
數數也予益羨君之高噫君誠今之傑人哉父老爲予言君少攻舉業鼓篋成均文聲藉甚然不得志於時行竊自念吾藉先人餘緒惟隕越之是懼倘祠墓弗修蒸嘗弗備謂堂構何爰擇吉壤營封兆爲謹復建祠宇設祭田尊祖而敬宗敬宗而收族親黨之孤且嫠者卵翼之閭里之凶饑流亡鬪且訟者濡沫而排解之施榼積修橋梁平峻坂揮斥不可以數較而身衣布衣素飯脫粟無異婁人子其於勢利紛華泊如也今春秋八秩開一匿影韜光日備勝侶結方外之孤跡探雲山之幽渺茹清溪酌明月浩浩然落落然忽不知年數之將老也洵所謂耆儒碩德魁壘超常士哉方之陳太丘郭有道夫寧多

讓菊月適屆弧辰邑人士製錦稱觴徵鄙言爲祝不佞竊多君之誼而服石君知人哉今

明詔方重賢良之選欲以扶翊世風維持名教東南耆碩舍君而誰昔申公九十餘歲以爲行聞命有司親爲之駕漢天子且側席而諮焉君之齒未也而德充於身行孚於世精明強固步履視聽不衰天祿之綏其何竟之與有君無讓蒲輪束帛行賁邱園矣是爲序

峇

雍正三年歲次乙巳重九吉日

賜進士第出身文林郎知廣東廣州府香山縣事

年家弟余慶錫頓首拜撰



鳳岡公七十壽序

兩間靈淑之氣煥而爲文人貞而爲壽考顧其氣必有所聚當其聚也必有一二人焉蔚起於先使之有所景仰矜式如山之有岱星之有斗翕然霧從羣然風動出則霖雨蒼生處則儀型鄉國非苟然已也歲壬子余膺簡命典試粵東闈中得香山黃子安國卷詫爲異才拔冠一經意必生於賢哲萃處之地浸沉醲郁故爾積厚而流撤棘後黃子來見詢其家學淵源及其都人士遺老始知尊人雲川先生與其鄰鄉官堂鳳岡余先生是二公者皆嗜學篤行君子也余於雲川先生嵩生令誕業爲文以序之矣已

黃子方北上復爲鳳翁先生徵壽言於余且具道其生平懿行余聞而心嚮往之欣然應曰是何香山文人壽考之多歟先生於黃子爲列岳又父執行也少與雲川先生同歷鷄壇下帷攻苦弱冠補弟子員推爲士林師表理學宗風居家事親能盡色養於喪葬尤竭心力艱苦不辭伯仲五人怡怡友愛有薛包繆彤之風且先生之孝友非直此也由是以親親者並及於親之親督建祠宇妥先靈也重修譜帙昭功德也詩禮貽謀弘燕翼也孰非本其孝友之心以爲推暨歟先生德器沉重寡言笑喜怒罕形於色人有過未嘗詰責久而益服其誠廣授生徒遊其門者率多名士其掇芹香而登

仕籍者指不勝屈先生九戰棘闈未獲知遇毫不以得失介懷鍵戶著書浩歌自得意淡如也迄今年已七十而綠鬢朱顏強飯健步無殊少壯豈非攸好德而富壽康寧者耶我國家詔求遺逸行見安車蒲輪造廬以請方且以先生爲三老五更出而仁壽天下豈特一身之優游彌性已哉抑余更有祝者先生與雲川先生居同方而少同學以年則齊以德則並福相埒而壽相等今雲川先生令嗣身列賢書南宮晉捷指日可待而先生有丈夫子三皆能世其業遶膝蘭孫長者已能屬文幼者嶄然頭角亭亭玉立一同則無不同先生之後當有興者兩問靈淑之氣蓋於是乎聚焉文人壽

余氏雁門家乘 卷一 五 享 賤 堂

考且將霞蔚雲蒸聯翩繼起吾又於公卜之矣 先生其能勿更進

一觴

賜進士第刑科給事中仍兼吏部文選司額外郎中事加一級壬子科廣東鄉試正主考官弟劉吳龍頓首拜撰

容莊祖妣盧太君九十開一壽序

國家重熙累洽百有餘年含生負氣者共登壽域歲在闕逢敦牂暢月為吾 姑余母盧太君設悅之期計其年九秩開一矣子若孫環堵稱慶閭里戚懿或壺或觴有牖有牖同欲製錦歌詩以祝太君遐齡郵書韶陽署邸囑余言為序余惟古之賢母若截髮留賓和丸助讀封蘇資廉光昭史冊而要上助夫子下勗賢郎總不外大易家人利女貞一卦誠以身正而後家齊父父子兄弟弟夫夫婦婦天下可定也太君系出寧堂鄉為 容莊太翁老先生淑配太翁家本清素儉積至於富饒然能矢大義族議修譜其遺牒有匿之者索不

余氏雁門家乘 卷一 壽序 五

可得太翁因出資贖出至今昭穆以明宗族秩如公力也遊成均咸重其氣量爲族正長幼雍和遇荒歲捐租平糶有橫逆置勿校人以方之公藝能忍云太君生平釵荆布裙儉樸自持而閨範端謹內言未嘗出閫事舅姑色笑不違待僕庶恩愛備至鄉里每稱之曰賢迄今太翁去世已二十餘年太君部署家務延師訓子豐約得宜井井有法其與大易之在中饋吉及閑且富者豈有愧歟是真能以慈母兼嚴父之職卽古之列女傳及唐書世說所稱賢母芳躅尙覺遠人未遠也丁卯年子奉

聖天子調補仁懷越二年自署歸講學官堂太君命令嗣遊吾門故


知母德最悉令嗣俊雅能文時雖未遇知必有以大其門者今予改授韶陽又隔十餘載想太君鶴髮蕭然康強無恙當斯時也子孫羅列閭里稱祝其亦可輾然進一觴哉夫十月獲稻正春酒介壽之期爰爲之歌曰多黍多稌兩壺兩卮踰躑萊子以娛以嬉環堵來觀繫節賦詩雲錦披青烏儀太君高坐展雙眉壽且康兮無不足於昭彤管孰如之

崑

乾隆三十九年歲次甲午小春日穀旦

賜進士出身貴州遵義府仁懷縣知縣今授韶州府儒學教授加

三級紀錄五次外姪盧文起頓首拜撰



丁卯年重修族譜記

竊惟家譜之修所以明人倫敦孝弟舉凡揚善紀功敬老尊賢之事必世世代代而臚列之故夫家之有譜亦猶郡邑之有誌也觀於郡邑之誌而知風俗之淳漓戶口之盛衰人物忠孝節烈之理學經濟壽考與夫高人逸士之屈伸出處燦若列眉而譜牒之體例亦倣此意焉我族余氏譜先代賢達之纂修及名公鉅老之著述已彰彰可考惟自道光甲申年增修後又越四十四年矣稽之三十年爲一世不已時移歲易乎今夏諸父老輩慮支派之繁而難紀事蹟之久而散佚又懼蠹蝕蟬牙易於殘缺魯魚亥豕難以覈查幸族之紳富奮

勇捐費囑予操筆而再成之予不敏兼之少未經事不敢膺此任也
 然書記翩翩阮元瑜遊而未返姓蕃在在狄武襄認貴乎真爰集
 大宗祠數日諸父老堅囑予而重修輯謄訂有見聞之未確者卽折
 衷於耄耄尊年第使支分派合昭示稽查核實循名無慚濫穢遂繕
 謄闔族譜牒兩軸一藏於伯祖 嗜老公房一藏於我祖
 明達公房以備參考毋致失傳庶幾商彝周鼎代有次鱗則僭越之
 罪亦予所不敢辭也至先世紀事詳畧父老僉曰率由舊章非小子
 敢損益於其間耳

告

同治六年歲次丁卯季秋穀旦

雁門郡十四傳孫信標謹記重修校正百拜并書



record-image_ (63)



重修族譜序

予嘗讀史攷三代帝王及公卿士大夫巫醫祝卜之職莫不出乎世族溯其姓氏之淵源一一備註支分派衍紀錄嚴明秩序井然纖毫不苟故數千百年相傳悠久之世系至今班班可考朗若列眉自漢以降王者興於草野將相誕生寒門英雄崛起村莊豪傑出自屠牧爲其子姓者皆不能詳其先世履歷紀入宗法而譜學由是寢衰迨唐宋間緣魏制以九品官人重門戶辨族地而後譜學復興當此之時對於諸家姓氏族譜始得而纂修之也且夫修譜者所以承先而啟後也綜覽先代賢哲之譜序規定卅年一修其譜者久垂明訓靡

不殷殷期望於後人足徵前賢留心譜事不宜容緩修也明矣我余氏族譜自遜清同治丁卯六年續修以來已歷七十稔時移世易每感滄桑越兩屆而未修誠爲憾事蓋世代近則彙編手續尙易源流遠而澈查底蘊更難若弗早圖妥爲續輯異日宗枝蕃衍遂致知考末由世統相承恐亦難於追溯將何以紀宗法而序昭穆明世系而正倫理乎今幸振棠公衣錦榮旋有鑒及此關懷族譜倡起重修尤賴豁如品三敦炫公正厚華厚祿子益平波諸公鼎力玉成仔肩鉅任爰於國曆廿五年三月卅一號（即農曆三月初九日）召集闔族子孫會議籌商妥善辦法以利進行又得桂昌潤楠植西

敦頌諸公不遺餘力協同編修各盡厥職計數月謄輯工作至是年冬而譜帙告成囑予爲之序予曰善哉蓋本三代及唐宋時敬宗收族之遺意也斯非仁人孝子報本思源之心出於至誠曷克臻此哉惟願後之孝子賢孫上念祖宗功德繼起增修勤思補續庶幾縣縣世系自可續承于勿替而垂不朽焉

峇

中華民國廿五年歲次丙子孟冬穀旦

雁門郡十八傳孫厚展叔箴拜撰



余氏雁門家乘
卷一
六四
敦睦堂



民國丙子年敦睦堂重修族譜義捐引

夫族之有譜所以紀世明昭穆別支派追溯本源也苟無族譜則祖宗垂延脈線世代子孫繩繩蟄蟄承血統試問宗枝流派奚由而知為幾世幾傳乎歷而久之必致漏而失傳傳而不實更無從以稽考也我余氏族譜自遜清同治丁卯年間經前賢修訂垂七十年矣駒光荏苒每感蹉跎迄今尚未纂修誠為憾事蓋宗枝緜邈則調查系統愈難世派悠長而增修手續匪易倘弗及早設施妥為修理將何以顯宗潢而昭名分序長幼而別尊卑耶此次族兄 振棠榮旋故梓關懷氏族念切宗親慨捐大洋千金倡興重修族譜故於本

余氏雁門家乘
卷一
義捐引
六五
敦睦堂

年夏曆三月初九日舉行全族會議經數度討論結果均表贊同惟是經費浩繁工程甚鉅衆擎易舉獨力難措對於經費一層非由我族子孫分任仔肩實難收效所冀族中父老伯叔兄弟存飲水思源之義竭子孫報本之誠懇祈大解袂囊義捐白鏹濃揮椽筆慨助黃金務宜踴躍樂捐俾得動成盛舉多固益善少亦奚嫌庶幾積少至多吸花終能釀蜜由小而大集腋自可成裘從此譜牒修全永濟鴈門之美銅陵衍派長流世澤之光矣是爲引

十八傳孫厚展叔箴謹撰

重訂宗派說

宗派之設由來尙矣我族祖世表字初則分房其派不一迨至康熙丁酉鳳岡公修譜始以十二世起著恭寬信敏惠五字派循序遵行通族得以整齊畫一追念前賢厥功甚偉及道光乙酉重修譜時又依式續取敦厚以隆禮五字派子孫日盛漸推漸滿又當爲廿二世開派惟不敢成於個人之見隨集諸父老昆仲以期至當乃續取顯揚多立德勤儉可傳家十字爲宗派載在譜中俾後之子孫得依次第而遵行之至卅一世之後又有望於後之孝子順孫再具出新裁庶宗法愈見昭明而派衍至於無窮也

民國廿五年歲次丙子孟冬穀旦

余敦陸堂啟



Vertical columns of faded text, likely bleed-through from the reverse side of the page.

附亨尾宗善房合譜記

十一世宗善公乃侯若祖之次子國珍祖之孫也聞其幼時隨伯父鼎乾公之藍田縣官舍後又相隨至石岐及長遂家於亨尾其子若孫相傳二十二代未有入吾譜帙緣我於丙子之春提倡修譜時有宗善房子孫聞之以為尋宗覓祖之有自先之以信使繼則鎮潮紹鴻兩君親到譜局并携家譜一本敦請合修同人等鑑其苦心嘉其志行緣允其合譜亦我篤親之美意也於是取其譜册互相核對其先人自奮庸公以前與吾譜若合符節自宗善公以後則吾譜未有所錄蓋經我前人修譜時彼以道遠路長或有未之覺耳又以慎重

record-image_ (68)

起見派敦頌厚祿兩君赴岐調查清楚一一相對與譜冊所載無異
惟生卒壽葬間有失傳殆年湮代遠子孫或有遺亡故譜是篇者詳
因其詳畧仍其畧非秉筆敢有私意存乎其間也是爲記

峇

民國廿五年歲次丙子仲冬穀旦

十六傳孫惠磊貴南謹識

富庭公軼事錄

公諱士榮字饒敏號富庭清候選遊府中山縣官塘鄉人也生有至
性孝聞於鄉黨其父信不公常患足疾公親侍湯藥衣不解帶往
往徹宵不寐親歿後恒思念不置雖老偶談及椿萱輒泣下數行事
其長兄士元待其季弟曉東均恭敬友愛家庭中兄弟怡怡不讓姜
家大被生平勤儉可風晨必早起事必躬親衣尚樸素訓子孫毋慕
奢華性惡賭博及有芙蓉癖者子姪輩如染有不良嗜好則呵責必
至且膂力過人好技擊得家學淵源精少林拳術而虛懷若谷一如
大勇若懼不輕以武藝示人見者不知其身懷絕技也少懷壯志好

遠遊乘長風破萬里浪經商海外美洲羣島足跡幾遍及壯而烏倦知還遂營業於香海歷充香江東華醫院主席并保良局董事雅慕魯仲連之爲人排難解紛力肩其任彼都人士至今稱頌弗絕更樂善好施修崎嶇之路建來往之橋在鄉中倡設長生帛金會俾貧家身後得資殯殮鄉之人愛如冬日前曾捐厚資率其長君彥卿重建大宗祠祠成後又出百金重修譜牒繼念各祖蒸嘗微薄將來俎豆千秋難以持久 公愛祖報本之心又油然而生矣遂挺身鼎力出爲畫策親代其始太祖清月公四世祖嗜老公及其本房國贊祖其父信丕公聯設江西銀會向各戚友敦請助會四處奔走不憚艱辛

會成後將本金權子母以生息每年將息金供會維持十六年會滿備嘗艱苦始終不懈各祖共得鉅款數萬金皆由公之心精結撰而成也 公歿後前數年其族人又重建大宗祠與嗜老公及國贊祖信丕祖新建祠宇其款均賴 公積蓄保障之力也厥功甚偉如公之熱心俠腸維持宗族積業有功求之近代如鳳毛麟角不可多睹其淑配梁恭人勤儉持家克修婦道性賦和平無違夫子和睦妯娌善事舅姑 公之如夫人蔡氏亦慈愛爲懷樂善不倦是以此次重修譜牒其子豁如品三兩君名下捐金貳百元又用其父富庭公名捐資四百金兩君能繼先人之志亦由其母義方之訓所致也 乘

與公之哲嗣豁如品三兩君相交有素知之最詳因悉 公與恭人等之生平而畧道之曰哲人其逝矣而 公之名長留不朽矣 愧無大筆鴻文以表 公之盛德於萬一也

昔

民國廿五年歲次丙子季冬穀旦

清邑庠生法政畢業生世愚姪陳秉公拜述

振棠先生叙畧

振棠先生字厚爵吾族之望也少而好學抱負不凡忠孝廉明才全德備六歲而孤以母寡家貧出外營生奉養年方十四隨母舅唐子華君赴滬晝學電報晚習中西文字光緒乙未鐵路招考當選得差庚子歲爲京奉鐵路北戴河站站長旋升爲津浦鐵路天津段段長居高馭下自矢忠勤稽察嚴明路政以肅上官以其勤敏精明克稱厥職乃擢爲京張鐵路車務處處長民國紀元壬子奉令出使美洲紐約考察鐵路要政歸國又任爲津浦鐵路車務總管自念家有老母時以白雲親舍關懷遂乃迎養板輿稍遂烏私之願嗣以時艱不

靖幸張大元帥（作霖）坐鎮津平 先生時為京漢鐵路車務總管張帥嘉獎 先生才堪大用拔為中東鐵路局長民國十五年南北統一國民政府鐵道部長孫（科）委 先生為鐵道部顧問旋又出任津浦鐵路委員現充平漢鐵路專員總而言之 先生為國效勞歷任要職功在國家赫赫照人耳目已可概見然 先生雖以身許國而粉榆桑梓仍常存瞻依愛敬之心對於我鄉東堡路政則慨然捐資建築石街行者便之對於健康義學每年捐助經費數百金以培育鄉族之貧難子弟學者德之其有無相助緩急相通生平慷慨好施之舉幾於有口皆碑今歲丙子之春旋鄉省墓以家乘年久未修慮

支派之蕃衍而難紀事蹟之久遠而遺亡乃慨然捐助大洋千員發起修譜諸父老一致贊成集祠定事具柬勸捐選員司事分編合纂閱數月而我族譜帙于以觀成此雖集合衆力而為之然非得 先生之實力提倡鉅資鼓勵曷克臻此 貴南躬逢其盛職忝濫竿雖則無補高深而亦謹據所見所聞而願樂為之頌也是為跋

崑

民國廿五年歲次丙子孟冬穀旦

貴南覺愚謹跋





豁如品三兩公序畧

豁如公字惠聰號其達品三公字惠鑑號其光乃富庭公之三四子也幼承先人福蔭長而克紹箕裘心性慈祥光明磊落待人接物和藹可親識博才高德隆望重處家庭而和昆季睦宗族而尙綱常調窮卹匱大有賂統之遺風興學育才弗愧曹誠之好義舉世共推爲善士鄉黨咸沐其恩光在他人則恃富而驕矜惟兩公獨輕財而重義溯其生平所爲如賑災拯荒興學育才修橋整路憐孤恤寡施棺贈藥掩骼埋胔諸善舉奚啻恆河沙數筆不勝書洵社會足式之楷模人類救危之福星也予嘗閱世之富豪大抵擁資自肥鮮能富

而好禮遇有窮途落魄踵門求助輒反顏相待白眼橫加甚或唾罵隨之拒而不納求所謂扶危拔困腰纏樂解而不吝形於色者亦不多觀夫以兩公樂善好施之心同出一轍博愛和平根於天性今雖年近古稀其精神猶矍鑠孳孳為善樂而不疲毋怪乎為世所欽崇嘖嘖稱道弗衰也予生也晚對於兩公卅餘年前之歷史未能殫述所詳惟兩公三十年後之事畧如上所述確有根據此為社會人士所共見非予敢憑空而杜撰也今爰就兩公生平梗概如此錄入譜內以彰盛德並勗後世子孫知所法守奉為圭臬焉

昔

中華民國廿五年歲次丙子仲冬穀旦

姪孫 叔箴厚展謹識



余氏府門家乘
卷一
三



公正公序畧

公正公字敦湧廼鄉之賢士族之名流也少年倜儻器宇不凡秉性仁慈熱心公益素以提倡體教二育為急務憤東方病夫之耻思有以雪之民國二十年創辦健康體育會將體育精神灌輸於鄉村人士今鄉人知注重體育者皆公提倡之力也且辦事廉明能負責任深得都人信仰尤為社會推崇故歷被公舉為保衛團局局紳鄉事委員會委員民廿二年復被舉為首屆民選副鄉長對於鄉政銳意刷新力謀整頓調解民事主持公道嚴正不阿鄉民輒歌功頌德有口皆碑至若修道路以利行人來往咸稱方便辦團警以衛閭里

余氏府門家乘
卷一
敘述
七
政
陸
堂

闔境幸賴謚寧舉凡公益慈善事業靡不極力倡興踴躍爭先解囊樂助其濟世勛時之偉畧至今猶赫赫然耀人耳目然公生平最足令人羨慕者以創立健康平民義校之功爲尤著也夫以我鄉煙戶繁盛失學者多非辦義校實難補救今公不避艱辛倡辦斯校卒底於成爲我鄉空前之偉舉計創立於茲已屆五載貧窶學子皆藉栽培鄉人深爲贊許而熱心君子年中樂助經費者亦不乏人比年來該校辦理認真規模宏偉學生成績日進優良由是就學者每歲繁增教育愈形發展蓋教育發展愈大則公之功愈大學生之功在國家則公之功在國家學生之功在天下則公之功在天

下也公之造福桑梓嘉惠士林非予鄉族學界放一曙光乎予嘗見世之履富厚者視財如命斬膏異常坐擁多貲曾不思津津向善終日蠅營而狗鑽爲子孫作馬牛拔一毫而利天下亦不肯爲違言興學縱或揮金如土反視教育爲等閒者比比然矣公爲一介士民尙能仗義疏財熱心教育既出財而又竭力豈不難能而可貴哉公今年富力強正當發奮有爲於斯世鵬程萬里遠大是期將來爲世界爭光榮爲國家圖富強爲社會謀幸福顯揚宗族克振家聲者正未有艾也今聊將最近事畧爰爲之序

崑

中華民國廿五年歲次丙子仲冬穀旦

宗姪 叔箴厚展謹識



厚華君叙畧

君字厚華號振榮乃敦堯公之長子也性端厚不喜讀書事父母恭謹處鄉黨宗族中與人無爭其居家兄弟四人怡怡如也及長業商持籌握算貨殖居奇億則屢中以故設肆數十年無不獲利也其治家一本勤儉食無重肉衣不華彩遇義捐善舉視己囊之盈否量入以爲輸將凡赴一事富有毅力能任勞怨雖艱鉅亦無難色其爲人何如耶今歲丙子之春振棠君還鄉掃墓以本族譜帙歷久而未重修乃慨然捐助大洋千員提倡重修族譜諸父老一致贊同於是集祠具柬勸捐選員司事舉君爲理財員吾謂此舉慶得人也自君

接事後對於修譜事宜盡心竭慮指示周詳閱數月而我族譜帙因
得以告成此雖賴振棠君登高一呼而又合衆力而爲之然非得
君之竭力勤助盡心指示焉能盡善至此耶 諸父老既感其德囑
予爲文以彰之予曰善乃謹叙如上述以頌盛德云

峇

民國廿五年歲次丙子季冬穀旦

惠磊貴南拜撰

喪服總圖

斬 三 年	至	麻	布	爲	不	縫	下	邊
齊 衰	五	杖	三	不	杖	三	月	期
大 九 月	功	熟	布	爲	之	縫	下	邊
小 五 月	功	熟	布	爲	之	縫	下	邊
細 三 月	麻	熟	布	爲	之	縫	下	邊

服正服之圖

凡姑姊妹及孫女在室或已嫁被出而歸服並與男子同出嫁而無夫與子者為兄弟姊妹及姪皆不杖服	父母三月	父母五月	祖母杖不	母三年	身	衆子年期	衆孫功大	曾孫婦服無	元孫婦服無
	在室總麻	在室小功	在室總麻	在室期年	在室期年	在室期年	在室小功	在室總麻	在室總麻
	曾祖姑	祖姑	出嫁無服	出嫁大功	出嫁大功	出嫁大功	出嫁總麻	出嫁無服	出嫁無服
	出嫁無服	出嫁無服	出嫁無服	出嫁無服	出嫁無服	出嫁無服	出嫁無服	出嫁無服	出嫁無服
齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月	齊衰三年均二十七個月
總麻	大功	大功	大功	大功	大功	大功	大功	大功	大功
三月	五月	九月	一年	一年	一年	一年	一年	一年	一年

本宗九族五

高祖衰齊	曾祖衰齊	祖父衰齊	父衰斬	己	長子婦年期	嫡孫婦年期	曾孫麻總	元孫麻總
曾叔伯祖麻	叔伯祖小功	伯叔父母	兄弟妻小	兄弟妻小	姪婦功大	姪婦功大	曾姪孫麻總	曾姪孫麻總
族伯祖麻	堂叔伯小功	堂兄弟妻麻	從再從妻服	從再從妻服	堂姪總	堂姪總	堂姪孫麻總	堂姪孫麻總
族叔父母	堂叔伯小功	堂兄弟妻麻	從再從妻服	從再從妻服	堂姪總	堂姪總	堂姪孫麻總	堂姪孫麻總
凡嫡孫父卒為祖父母承重服斬衰三年若為高曾祖父母承重服亦同	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭	凡同五世祖族屬在總麻絕服之外皆為祖免親遇喪葬則服素服尺布纏頭

族服圖


				父母麻
			夫曾祖姑服	父母麻
		夫堂祖姑服	在室總麻 夫祖姑 出嫁無服	父母功
	夫族姑服	出嫁無服	在室總麻 夫堂姑	姑三
夫族姊妹服	再從姊妹服	夫堂姊妹麻	夫姊妹功	齊衰杖期 夫為妻 父母在杖
	出嫁無服	在室總麻 夫堂姪女 出嫁總麻	在室小功 夫姪女 出嫁小功	衆子期 衆子婦大
	出嫁無服	在室總麻 夫堂姪女 出嫁無服	在室小功 夫姪女 出嫁總麻	孫婦總麻
			在室總麻 夫姪女 出嫁無服	孫麻
				孫麻

圖內下分在室
多不得再降故
麻降於夫者已
小功堂姊妹總
爲之姑姊妹
夫之姊妹總


夫爲妻

夫高祖總				妻爲祖父母及高曾
夫曾祖總	夫伯祖父母服			重者並從
夫祖大	夫伯祖父母麻	夫族伯父母無服		
舅衰斬	夫伯父母大	夫堂伯父母麻	夫伯父母無服	
妻爲夫	夫弟兄小功	夫堂兄弟及妻麻	夫再從兄弟服	夫族兄弟無服
長子婦年期	夫姪婦大功	夫堂姪婦總麻	夫再從姪麻	
孫功大	夫姪孫總麻	夫曾姪孫麻		
曾總	夫曾姪孫			
元總				


圖之服降宗本為女嫁出




圖之服族長家為妾



妻親服圖



外親服圖



妻為夫
外親服
降一等

今日用門家

卷一

家

三父八母服圖

兩無大功親謂繼父
無子孫己身亦無伯
叔兄弟之類 期年
同居繼父
兩有大功親謂繼父
有子孫己身亦有伯
叔兄弟之類齊衰三
個月

先曾與繼父同居今
不同居 齊衰三月
不同居繼父
自來不曾隨母與繼
父同居 無服
謂父死繼母再
嫁他人隨去者
從繼母嫁
齊衰杖期

三年 慈母 斬衰 謂所生 母死父 令別妾 撫育者	三年 繼母 斬衰 謂父 妻之後	三年 孀母 斬衰 謂子 妻之正 父女	三年 養母 斬衰 謂幼 房與人 與過自
乳母 謂父妾 乳哺者 卽奶母	庶母 謂父有子女 妾嫡子 齊衰杖 期斬衰 三年	出母 謂父母 親出被	嫁母 謂父母 因親 人嫁死

歷代生卒年歲提綱

宋紀

太祖在位十六年年號三

建隆 元 庚申 二 申酉 三 壬戌 凡三年

乾德 元 癸亥 二 甲子 三 乙丑 四 丙寅 五 丁卯 凡五年

開寶 元 戊辰 二 己巳 三 庚午 四 辛未 五 壬申 六 癸酉

七 甲戌 八 乙亥 凡八年

太宗在位二十二年年號五

太平興國 元 丙子 二 丁丑 三 戊寅 四 己卯 五 庚辰

余氏附門家乘 卷一 三

六辛巳 七壬午 八癸未 凡八年

雍熙 元甲申 二乙酉 三丙戌 四丁亥 凡四年

端拱 元戊子 二己丑 凡二年

淳化 元庚寅 二辛卯 三壬辰 四癸巳 五甲午 凡五年

至道 元乙未 二丙申 三丁酉 凡三年

真宗在位二十五年年號五

咸平 元戊戌 二己亥 三庚子 四辛丑 五壬寅 六癸卯

凡六年

景德 元甲辰 二乙巳 三丙午 四丁未 凡四年

大中祥符 元戊申 二己酉 三庚戌 四辛亥 五壬子

六癸丑 七甲寅 八乙卯 九丙辰 凡九年

天禧 元丁巳 二戊午 三己未 四庚申 五辛酉 凡五年

乾興 元壬戌 凡一年

仁宗在位四十一年年號九

天聖 元癸亥 二甲子 三乙丑 四丙寅 五丁卯 六戊辰

七己巳 八庚午 九辛未 凡九年

明道 元壬申 二癸酉 凡二年

景祐 元甲戌 二乙亥 三丙子 四丁丑 凡四年

余氏附門家乘 卷一 年曆 八四 敬謹

寶元 元 戊寅 二 己卯 凡二年

康定 元 庚辰 凡一年

慶歷 元 辛巳 二 壬午 三 癸未 四 甲申 五 乙酉 六 丙戌

七 丁亥 八 戊子 凡八年

皇祐 元 己丑 二 庚寅 三 辛卯 四 壬辰 五 癸巳 凡五年

至和 元 甲午 二 乙未 凡二年

嘉祐 元 丙申 二 丁酉 三 戊戌 四 己亥 五 庚子 六 辛丑

七 壬寅 八 癸卯 凡八年

英宗在位四年年號一

治平 元 甲辰 二 乙巳 三 丙午 四 丁未 凡四年

神宗在位十八年年號二

熙寧 元 戊申 二 己酉 三 庚戌 四 辛亥 五 壬子 六 癸丑

七 甲寅 八 乙卯 九 丙辰 十 丁巳 凡十年

元豐 元 戊午 二 己未 三 庚申 四 辛酉 五 壬戌 六 癸亥

七 甲子 八 乙丑 凡八年

哲宗在位十五年年號三

元祐 元 丙寅 二 丁卯 三 戊辰 四 己巳 五 庚午 六 辛未

七 壬申 八 癸酉 凡八年

紹聖 元甲戌 二乙亥 三丙子 四丁丑 凡四年

元符 元戊寅 二己卯 三庚辰 凡三年

徽宗在位二十五年年號六

建中靖國 元辛巳 凡一年

崇寧 元壬午 二癸未 三甲申 四乙酉 五丙戌 凡五年

大觀 元丁亥 二戊子 三己丑 四庚寅 凡四年

政和 元辛卯 二壬辰 三癸巳 四甲午 五乙未 六丙申

七丁酉 凡七年

重和 元戊戌 凡一年

宣和 元己亥 二庚子 三辛丑 四壬寅 五癸卯 六甲辰

七乙巳 凡七年

欽宗在位二年年號一

靖康 元丙午 二丁未 是年五月康王卽皇帝位於南京遷都臨

安改元建炎號南宋

南宋紀

高宗在位三十六年年號二

建炎 元丁未 二戊申 三己酉 四庚戌 凡四年

紹興 元辛亥 二壬子 三癸丑 四甲寅 五乙卯 六丙辰

欽定四庫全書
皇朝通志
卷一百一十一
嘉慶

七丁巳 八戊午 九己未 十庚申 十一辛酉 十二壬戌
十三癸亥 十四甲子 十五乙丑 十六丙寅 十七丁卯 十八戊辰
十九己巳 二十庚午 二十一辛未 二十二壬申 二十三癸酉 二十四甲戌
二十五乙亥 二十六丙子 二十七丁丑 二十八戊寅 二十九己卯 三十庚辰
三十一辛巳 三十二壬午 凡三十二年

孝宗在位二十七年年號三

隆興 元 癸未 二 甲申 凡二年

乾道 元 乙酉 二 丙戌 三 丁亥 四 戊子 五 己丑 六 庚寅
七 辛卯 八 壬辰 九 癸巳 凡九年

淳熙 元 甲午 二 乙未 三 丙申 四 丁酉 五 戊戌 六 己亥
七 庚子 八 辛丑 九 壬寅 十 癸卯 十一 甲辰 十二 乙巳
十三 丙午 十四 丁未 十五 戊申 十六 己酉 凡十六年

光宗在位五年年號一

紹熙 元 庚戌 二 辛亥 三 壬子 四 癸丑 五 甲寅 凡五年

寧宗在位三十年年號四

慶元 元 乙卯 二 丙辰 三 丁巳 四 戊午 五 己未 六 庚申
凡六年

嘉泰 元 辛酉 二 壬戌 三 癸亥 四 甲子 凡四年

欽定四庫全書
皇朝通志
卷一百一十一
嘉慶
年曆
欽定

開禧 元 乙丑 二 丙寅 三 丁卯 凡三年

嘉定 元 戊辰 二 己巳 三 庚午 四 辛未 五 壬申 六 癸酉

七 甲戌 八 乙亥 九 丙子 十 丁丑 十一 戊寅 十二 己卯

十三 庚辰 十四 辛巳 十五 壬午 十六 癸未 十七 甲申 凡十七年

理宗在位四十年年號八

寶慶 元 乙酉 二 丙戌 三 丁亥 凡三年

紹定 元 戊子 二 己丑 三 庚寅 四 辛卯 五 壬辰 六 癸巳

凡六年

端平 元 甲午 二 乙未 三 丙申 凡三年

嘉熙 元 丁酉 二 戊戌 三 己亥 四 庚子 凡四年

淳祐 元 辛丑 二 壬寅 三 癸卯 四 甲辰 五 乙巳 六 丙午

七 丁未 八 戊申 九 己酉 十 庚戌 十一 辛亥 十二 壬子

凡十二年

寶祐 元 癸丑 二 甲寅 三 乙卯 四 丙辰 五 丁巳 六 戊午

凡六年

開慶 元 己未 凡一年

景定 元 庚申 二 辛酉 三 壬戌 四 癸亥 五 甲子 凡五年

度宗在位十年年號一

咸淳 元乙丑 二丙寅 三丁卯 四戊辰 五己巳 六庚午

七辛未 八壬申 九癸酉 十甲戌 凡十年

恭宗在位二年年號一

德祐 元乙亥 二丙子 是年五月益王即位於福州改元景炎廟

號端宗

端宗在位二年年號一

景炎 元丙子 二丁丑 三戊寅 是年四月衛王即位於礪州改

元祥興即帝昺

帝昺在位二年年號一

祥興 元戊寅 二己卯 是年二月宋亡

元紀

世祖自宋景定五年甲子已起至元年號及宋祥興二年己卯宋亡已至

元十六年以是年為承正統起算在位十六年

至元十六年己卯滅宋襲正統以是為始起算

二庚辰 三辛巳 四壬午 五癸未 六甲申 七乙酉

八丙戌 九丁亥 十戊子 十一己丑 十二庚寅 十三辛卯

十四壬辰 十五癸巳 十六甲午 凡十六年

成宗在位十三年年號一

record-image_ (90)

元貞 元 乙未 二 丙申 凡二年

大德 元 丁酉 二 戊戌 三 己亥 四 庚子 五 辛丑 六 壬寅

七 癸卯 八 甲辰 九 乙巳 十 丙午 十一 丁未 凡十一年

武宗在位四年年號一

至大 元 戊申 二 己酉 三 庚戌 四 辛亥 凡四年

仁宗在位九年年號二

皇慶 元 壬子 二 癸丑 凡二年

延祐 元 甲寅 二 乙卯 三 丙辰 四 丁巳 五 戊午 六 己未

七 庚申 凡七年

英宗在位三年年號一

至治 元 辛酉 二 壬戌 三 癸亥 凡三年

泰定在位四年年號二

泰定 元 甲子 二 乙丑 三 丙寅 四 丁卯 凡四年


致和 元 戊辰 是年八月文宗即帝位改元天歷

明宗稱帝於和寧之北僅八月

文宗在位五年年號二

天歷 元 戊辰 二 己巳 凡二年

至順 元 庚午 二 辛未 三 壬申 凡三年



寧宗在位一月

順帝在位三十五年年號三

元統 元癸酉 二 甲戌 凡二年

至元 元乙亥 二 丙子 三 丁丑 四 戊寅 五 己卯 六 庚辰 凡六年

凡六年

至正 元辛巳 二 壬午 三 癸未 四 甲申 五 乙酉 六 丙戌 七 丁亥 八 戊子 九 己丑 十 庚寅 十一 辛卯 十二 壬辰 十三 癸巳 十四 甲午 十五 乙未 十六 丙申 十七 丁酉 十八 戊戌 十九 己亥 二十 庚子 二十一 辛丑 二十二 壬寅 二十三 癸卯 二十四 甲辰

七 丁亥 八 戊子 九 己丑 十 庚寅 十一 辛卯 十二 壬辰

十三 癸巳 十四 甲午 十五 乙未 十六 丙申 十七 丁酉 十八 戊戌

十九 己亥 二十 庚子 二十一 辛丑 二十二 壬寅 二十三 癸卯 二十四 甲辰

五廿 乙巳 六廿 丙午 七廿 丁未 凡二十七年元亡

明紀

太祖在位三十一年年號一

洪武 元 戊申 二 己酉 三 庚戌 四 辛亥 五 壬子 六 癸丑

七 甲寅 八 乙卯 九 丙辰 十 丁巳 十一 戊午 十二 己未

十三 庚申 十四 辛酉 十五 壬戌 十六 癸亥 十七 甲子 十八 乙丑

十九 丙寅 二十 丁卯 二十一 戊辰 二十二 己巳 二十三 庚午 二十四 辛未

二十五 壬申 二十六 癸酉 二十七 甲戌 二十八 乙亥 二十九 丙子 三十 丁丑

一三 戊寅 凡三十一年

惠帝在位四年年號一

建文

元 己卯 二 庚辰 三 辛巳 四 壬午 凡四年

成祖在位二十二年年號一

永樂

元 癸未 二 甲申 三 乙酉 四 丙戌 五 丁亥 六 戊子

七 己丑 八 庚寅 九 辛卯 十 壬辰 十一 癸巳 十二 甲午

十三 乙未 十四 丙申 十五 丁酉 十六 戊戌 十七 己亥 十八 庚子

十九 辛丑 二十 壬寅 廿一 癸卯 廿二 甲辰 凡二十二年

仁宗在位一年年號一

洪熙

元 乙巳 凡一年

宣宗在位十年年號一

宣德

元 丙午 二 丁未 三 戊申 四 己酉 五 庚戌 六 辛亥

七 壬子 八 癸丑 九 甲寅 十 乙卯 凡十年

英宗在位十四年年號一

正統

元 丙辰 二 丁巳 三 戊午 四 己未 五 庚申 六 辛酉

七 壬戌 八 癸亥 九 甲子 十 乙丑 十一 丙寅 十二 丁卯

十三 戊辰 十四 己巳 凡十四年

景帝在位七年年號一

景泰

元 庚午 二 辛未 三 壬申 四 癸酉 五 甲戌 六 乙亥

欽定四庫全書 皇朝通志 卷一百一十五 年曆 九十二 效陸堂

七 丙子 凡七年

英宗復位八年年號一

天順 元 丁丑 二 戊寅 三 己卯 四 庚辰 五 辛巳 六 壬午

七 癸未 八 甲申 凡八年

憲宗在位二十三年年號一

成化 元 乙酉 二 丙戌 三 丁亥 四 戊子 五 己丑 六 庚寅

七 辛卯 八 壬辰 九 癸巳 十 甲午 十一 乙未 十二 丙申

十三 丁酉 十四 戊戌 十五 己亥 十六 庚子 十七 辛丑 十八 壬寅

十九 癸卯 二十 甲辰 二十一 乙巳 二十二 丙午 二十三 丁未

凡二十三年

考宗在位十八年年號一

弘治 元 戊申 二 己酉 三 庚戌 四 辛亥 五 壬子 六 癸丑

七 甲寅 八 乙卯 九 丙辰 十 丁巳 十一 戊午 十二 己未

十三 庚申 十四 辛酉 十五 壬戌 十六 癸亥 十七 甲子 十八 乙丑

凡十八年

武宗在位十六年年號一

正德 元 丙寅 二 丁卯 三 戊辰 四 己巳 五 庚午 六 辛未

七 壬申 八 癸酉 九 甲戌 十 乙亥 十一 丙子 十二 丁丑

record-image_ (94)

世宗在位四十五年年號一

三十	戊寅	四十	己卯	五十	庚辰	六十	辛巳	凡十六年					
元	嘉靖	二	壬午	三	癸未	四	甲申	五	乙酉	六	丙戌	七	丁亥
七	戊子	八	己丑	九	庚寅	十	辛卯	十一	壬辰	十二	癸巳		
三十	甲午	四十	乙未	五十	丙申	六十	丁酉	七十	戊戌	八十	己亥		
九十	庚子	十二	辛丑	一廿	壬寅	二廿	癸卯	三廿	甲辰	四廿	乙巳		
五廿	丙午	六廿	丁未	七廿	戊申	八廿	己酉	九廿	庚戌	十三	辛亥		
一三	壬子	二三	癸丑	三三	甲寅	四三	乙卯	五三	丙辰	六三	丁巳		
七三	戊午	八三	己未	九三	庚申	十四	辛酉	一四	壬戌	二四	癸亥		



穆宗在位六年年號一

三四	甲子	四四	乙丑	五四	丙寅	凡四十五年							
元	隆慶	二	丁卯	三	戊辰	四	己巳	五	庚午	六	辛未	七	壬申
凡六年													

神宗在位四十八年年號一

元	萬曆	二	癸酉	三	甲戌	四	乙亥	五	丙子	六	丁丑	七	戊寅	八	己卯	九	庚辰	十	辛巳	十一	壬午	十二	癸未	十三	甲申	十四	乙酉	十五	丙戌	十六	丁亥	十七	戊子	十八	己丑	十九	庚寅	二十	辛卯	二十一	壬辰	二十二	癸巳	二十三	甲午	二十四	乙未	二十五	丙申	二十六	丁酉	二十七	戊戌	二十八	己亥	二十九	庚子	三十	辛丑	三十一	壬寅	三十二	癸卯	三十三	甲辰	三十四	乙巳	三十五	丙午	三十六	丁未	三十七	戊申	三十八	己酉	三十九	庚戌	四十	辛亥	四十一	壬子	四十二	癸丑	四十三	甲寅	四十四	乙卯	四十五	丙辰	四十六	丁巳	四十七	戊午	四十八	己未	四十九	庚申	五十	辛酉	五十一	壬戌	五十二	癸亥	五十三	甲子	五十四	乙丑	五十五	丙寅	五十六	丁卯	五十七	戊辰	五十八	己巳	五十九	庚午	六十	辛未	六十一	壬申	六十二	癸酉	六十三	甲戌	六十四	乙亥	六十五	丙子	六十六	丁丑	六十七	戊寅	六十八	己卯	六十九	庚辰	七十	辛巳	七十一	壬午	七十二	癸未	七十三	甲申	七十四	乙酉	七十五	丙戌	七十六	丁亥	七十七	戊子	七十八	己丑	七十九	庚寅	八十	辛卯	八十一	壬辰	八十二	癸巳	八十三	甲午	八十四	乙未	八十五	丙申	八十六	丁酉	八十七	戊戌	八十八	己亥	八十九	庚子	九十	辛丑	九十一	壬寅	九十二	癸卯	九十三	甲辰	九十四	乙巳	九十五	丙午	九十六	丁未	九十七	戊申	九十八	己酉	九十九	庚戌	一百	辛亥
---	----	---	----	---	----	---	----	---	----	---	----	---	----	---	----	---	----	---	----	----	----	----	----	----	----	----	----	----	----	----	----	----	----	----	----	----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----

萬曆

丙子

丁丑

戊寅

己卯

庚辰

辛巳

壬午

癸未

甲申

己卯

庚辰

辛巳

壬午

癸未

甲申

乙酉

丙戌

丁亥

戊子

己丑

庚寅

辛卯

乙酉

丙戌

丁亥

戊子

己丑

庚寅

辛卯

壬辰

癸巳

甲午

乙未

丙申

丁酉

辛卯

壬辰

癸巳

甲午

乙未

丙申

丁酉

戊戌

己亥

庚子

辛丑

壬寅

癸卯

record-image_ (95)

金日曆門家乘 卷一 年曆

五廿	丁酉	六廿	戊戌	七廿	己亥	八廿	庚子	九廿	辛丑	十三	壬寅
一三	癸卯	二三	甲辰	三三	乙巳	四三	丙午	五三	丁未	六三	戊申
七三	己酉	八三	庚戌	九三	辛亥	十四	壬子	一四	癸丑	二四	甲寅
三四	乙卯	四四	丙辰	五四	丁巳	六四	戊午	七四	己未	八四	庚申

凡四十八年

光宗在位僅一月年號一

泰昌 元庚申 是年八月以前為萬曆以後為泰昌

熹宗在位七年年號一

天啓 元辛酉 二壬戌 三癸亥 四甲子 五乙丑 六丙寅

七丁卯 凡七年

莊列帝在位十七年年號一

崇禎 元戊辰 二己巳 三庚午 四辛未 五壬申 六癸酉

七甲戌 八乙亥 九丙子 十丁丑 十一戊寅 十二己卯

十三庚辰 十四辛巳 十五壬午 十六癸未 十七甲申 是年三月

流賊陷燕京

國朝清紀

世祖章皇帝於甲申年五月定京師襲統即位

順治 元甲申 二乙酉 三丙戌 四丁亥 五戊子 六己丑

金氏雁門家乘 卷一 年曆 九五 收陸堂

七 庚寅 八 辛卯 九 壬辰 十 癸巳 十一 甲午 十二 乙未
 十三 丙申 十四 丁酉 十五 戊戌 十六 己亥 十七 庚子 十八 辛丑
 凡十八年

聖祖仁皇帝在位六十一年年號一

康熙 元 壬寅 二 癸卯 三 甲辰 四 乙巳 五 丙午 六 丁未

七 戊申 八 己酉 九 庚戌 十 辛亥 十一 壬子 十二 癸丑

十三 甲寅 十四 乙卯 十五 丙辰 十六 丁巳 十七 戊午 十八 己未

十九 庚申 二十 辛酉 二十一 壬戌 二十二 癸亥 二十三 甲子 二十四 乙丑

二十五 丙寅 二十六 丁卯 二十七 戊辰 二十八 己巳 二十九 庚午 三十 辛未

世宗憲皇帝在位十三年年號一

雍正 元 癸卯 二 甲辰 三 乙巳 四 丙午 五 丁未 六 戊申

七 己酉 八 庚戌 九 辛亥 十 壬子 十一 癸丑 十二 甲寅

三十 乙卯 凡十三年

高宗純皇帝在位六十年年號一

乾隆

元 丙辰 二 丁巳 三 戊午 四 己未 五 庚申 六 辛酉

七 壬戌 八 癸亥 九 甲子 十 乙丑 十一 丙寅 十二 丁卯

十三 戊辰 十四 己巳 十五 庚午 十六 辛未 十七 壬申 十八 癸酉

十九 甲戌 二十 乙亥 二十一 丙子 二十二 丁丑 二十三 戊寅 二十四 己卯

二十五 庚辰 二十六 辛巳 二十七 壬午 二十八 癸未 二十九 甲申 三十 乙酉

三十一 丙戌 三十二 丁亥 三十三 戊子 三十四 己丑 三十五 庚寅 三十六 辛卯

三十七 壬辰 三十八 癸巳 三十九 甲午 四十 乙未 四十一 丙申 四十二 丁酉

仁宗睿皇帝在位二十五年年號一

嘉慶

元 丙辰 二 丁巳 三 戊午 四 己未 五 庚申 六 辛酉

七 壬戌 八 癸亥 九 甲子 十 乙丑 十一 丙寅 十二 丁卯

十三 戊辰 十四 己巳 十五 庚午 十六 辛未 十七 壬申 十八 癸酉

十九 甲戌 二十 乙亥 二十一 丙子 二十二 丁丑 二十三 戊寅 二十四 己卯

五廿 庚辰 凡二十五年

宣宗成皇帝在位三十年年號一

道光

元 辛巳 二 壬午 三 癸未 四 甲申 五 乙酉 六 丙戌

七 丁亥 八 戊子 九 己丑 十 庚寅 十一 辛卯 十二 壬辰

十三 癸巳 十四 甲午 十五 乙未 十六 丙申 十七 丁酉 十八 戊戌

十九 己亥 二十 庚子 二十一 辛丑 二十二 壬寅 二十三 癸卯 二十四 甲辰

二十五 乙巳 二十六 丙午 二十七 丁未 二十八 戊申 二十九 己酉 三十 庚戌

凡三十年

文宗顯皇帝在位十一年年號一

咸豐 元 辛亥 二 壬子 三 癸丑 四 甲寅 五 乙卯 六 丙辰

七 丁巳 八 戊午 九 己未 十 庚申 十一 辛酉 凡十一年

穆宗 皇帝在位十三年年號一

同治 元 壬戌 二 癸亥 三 甲子 四 乙丑 五 丙寅 六 丁卯


七 戊辰 八 己巳 九 庚午 十 辛未 十一 壬申 十二 癸酉

十三 甲戌 凡十三年

德宗景皇帝在位三十四年年號一

光緒 元 乙亥 二 丙子 三 丁丑 四 戊寅 五 己卯 六 庚辰

七 辛巳 八 壬午 九 癸未 十 甲申 十一 乙酉 十二 丙戌



record-image_ (101)

三十 丁亥 四十 戊子 五十 己丑 六十 庚寅 七十 辛卯 八十 壬辰

九十 癸巳 十二 甲午 一廿 乙未 二廿 丙申 三廿 丁酉 四廿 戊戌

五廿 己亥 六廿 庚子 七廿 辛丑 八廿 壬寅 九廿 癸卯 十三 甲辰

一三 乙巳 二三 丙午 三三 丁未 四三 戊申 凡三十四年

溥儀皇帝在位三年年號一

宣統 元 己酉 二 庚戌 三 辛亥 凡三年

大中華

民國 元 壬子 二 癸丑 三 甲寅 四 乙卯 五 丙辰 六 丁巳

七 戊午 八 己未 九 庚申 十 辛酉 十一 壬戌 十二 癸亥

三十 甲子 四十 乙丑 五十 丙寅 六十 丁卯 七十 戊辰 八十 己巳

九十 庚午 一廿 辛未 二廿 壬申 三廿 癸酉 四廿 甲戌 五廿 乙亥

六廿 丁丑

